

四庫全書

史部

欽定四庫全書

資治通鑑卷一百四

宋 司馬光 撰

胡三省 音註

晉紀二十六

起柔兆困敦盡玄
默敦牂凡七年

烈宗孝武皇帝上之中

太元元年春正月壬寅朔帝加元服皇太后下詔歸政

太后攝政見
上卷上年

復稱崇德太后甲辰大赦改元丙午帝始

臨朝

朝直
遠翻

以會稽內史郗愔為鎮軍大將軍都督浙江

東五郡諸軍事

浙江東五郡會稽東陽臨海永嘉新徐安也會工外翻鄒丑之翻惜挹淫翻

州刺史桓冲為車騎將軍都督豫江二州之六郡諸軍

事

豫州之歷陽淮南廬江安豐襄城及江州之尋陽共六郡騎奇寄翻

自京口徙鎮姑孰

謝安欲以王蘊為方伯故先解冲徐州乙卯加謝安中

書監錄尚書事 二月辛卯秦王堅下詔曰朕聞王者

勞于求賢逸於得士

齊桓公用管仲之言

斯言何其驗也往得丞

相常謂帝王易為

易以政翻

自丞相違世鬚髮中白

丞相謂王猛中

半也中

每一念之不覺酸慟今天下既無丞相或政教

丁仲翻

綸替

替廢也

可分遣侍臣周巡郡縣問民疾苦

三月秦

兵寇南鄉拔之山蠻三萬戶降秦

自春秋之時伊洛以南巴巫漢沔以北大

山長谷皆蠻居之文公十六年庸人率羣蠻以叛楚庸則漢之上庸縣也哀公四年楚人襲梁及霍以圍蠻氏執蠻子赤梁則漢河南之梁縣霍則梁縣南之霍陽山也漢高帝用巴渝蠻以定三秦則板楯蠻也後漢祭遵攻新城蠻柏華蠻破霍陽聚則春秋蠻氏之聚落也其後又有巫蠻南郡蠻江夏蠻襄陽以西中廬宜城之西山皆蠻居之所謂山蠻也宋齊以後謂之雍州蠻降戶江翻

夏五月甲寅大赦

初張天錫之殺張邕也劉肅及安定梁景皆有功

事見一百

一卷穆帝并平五年

二人由是有寵賜姓張氏以為己子使預政

事天錫荒于酒色不親庶務黜世子大懷而立嬖妾之

子大豫

嬖卑義翻又博計翻

以焦氏為左夫人人情憤怨從弟從

事中郎憲與櫬切諫不聽

從才用翻櫬初覲翻

秦王堅下詔曰張

天錫雖稱藩受位然臣道未純可遣使持節武衛將軍

苟萇左將軍毛盛中書令梁熙步兵校尉姚萇等將兵

臨西河

河水過敷煌酒泉張掖郡南武威郡東北為西河使疏吏翻萇仲良翻將即亮翻

尚書

郎閻負梁殊奉詔徵天錫入朝

朝直遙翻

若有違王命即進

師撲討

撲普卜翻

是時秦步騎十三萬軍司段鏗謂周虢曰

以此衆戰誰能敵之

用左傳齊桓公之言
鏗丘耕翻號虛交翻

號曰戎狄以

來未之有也

周虢拘執於秦其尊本朝之心雖造次不忘也

考異曰虢傳曰呂光征西域堅出

餞之戎士二十萬旌旗數百里問虢曰朕衆力何如虢曰戎夷以來未之有也按建元十八年二月虢謀反徙朔方十九年正月呂光發長安故知在伐涼州時今從十六國春秋 堅又命秦州刺史苟

池河州刺史李辯涼州刺史王統帥三州之衆為苟萇

後繼

帥讀曰率

秋七月閭負梁殊至姑臧張天錫會官屬謀

之曰今入朝必不返如其不從秦兵必至將若之何禁

中錄事席仍曰

禁中錄事張氏所置使摠錄禁中事也仍與力同又音勒

以愛子為

質質音致賂以重寶以退其師然後徐為之計此屈伸之

術也眾皆怒曰吾世事晉朝朝直忠節著于海內今一

遣翻

旦委身賊庭辱及祖宗醜莫大焉且河西天險百年無

虞若悉境內精兵右招西域北引匈奴以拒之何遽知

其不捷也天錫攘袂大言曰孤計決矣言降者斬

降戶江翻

下同使謂閭負梁殊曰君欲生歸乎死歸乎殊等辭氣不

屈天錫怒縛之軍門命軍士交射之曰射而不中

射而亦翻

中竹仲翻不與我同心者也其母嚴氏泣曰秦主以一州之

地橫制天下東平鮮卑南取巴蜀兵不留行汝若降之

猶可延數年之命今以蕞爾一隅抗衡大國

蕞爾外翻

又殺

其使者亡無日矣天錫使龍驤將軍馬建帥衆二萬拒

秦

驤思將翻帥讀曰率

秦人聞天錫殺閭負梁殊八月梁熙姚萇

王統李辯濟自清石津攻涼驍烈將軍梁濟于河會城

降之

驍烈將軍蓋張氏置五代志允吾縣有青巖山水經注湟河至允吾與大河會意者清石津在青巖

山之下河會城在二河之會歟驍堅堯翻

甲申苟萇濟自石城津

關駟曰石城津在金

城西

與梁熙會攻纏縮城拔之馬建懼自楊非退屯清

塞

水經注逆水出允吾縣之參街谷東南流逕街亭城南又東南逕楊非亭北又東南逕廣武城西據載記

楊非在支陽東北三百餘里

天錫又遣征東將軍掌據帥衆三萬軍

于洪池

洪池嶺名在姑臧南掌據晉書作常據當從之

天錫自將餘衆五萬軍

于金昌城

金昌城在赤岸西北

安西將軍敦煌宋皓言於天錫曰

牧徒門翻

臣晝察人事夜觀天文秦兵不可敵也不如降之

天錫怒貶皓為宣威護軍廣武太守辛章曰

張寔分金城之令居

枝陽置廣武郡宋白曰蘭州廣武縣本漢枝陽縣地張駿分晉興置廣武郡

馬建出于行陳

行戶剛翻陳讀曰陣

必不為國家用苟葺使姚葺帥甲士三千為

前驅庚寅馬建帥萬人迎降餘兵皆散走辛卯苟萇及

常據戰于洪池據兵敗馬為亂兵所殺其屬董儒授之

以馬據曰吾三督諸軍再秉節鉞八將禁旅十摠禁兵

寵任極矣

天錫之攻李儼也常據首破其兵蓋河西推為良將故其言如此

今卒困於

此

卒子恤翻

此吾之死地也尚安之乎乃就帳免胄西向稽

首伏劍而死

稽音啟

秦兵殺軍司席仇癸已秦兵入清塞

天錫遣司兵趙克哲帥衆拒之

河西張氏置官僚擬于王者而微異其名司兵

蓋晉五兵尚書之職也

秦兵與克哲戰于赤岸大破之

水經注河水自左南

而東逕赤岸北亦謂之河夾
岸秦州記曰抱罕有河夾岸

俘斬三萬八千級充哲死

天錫出城自戰城內又叛天錫與數千騎奔還姑臧甲

午秦兵至姑臧天錫素車白馬面縛輿櫬降于軍門苟

萇釋縛焚櫬送于長安

惠帝永寧元年張軌為涼州刺史遂有涼土共九主七十五年

布亡櫬初覲翻

涼州郡縣悉降于秦九月秦王堅以梁熙為涼

州刺史鎮姑臧徙豪右七千餘戶於關中餘皆按堵如

故封天錫為歸義侯拜北部尚書

秦置北部尚書以掌北蕃

初秦兵

之出也先為天錫築第於長安

為于偽翻

至則居之以天錫

晉興太守隴西彭和正為黃門侍郎

張軌分西平界置晉興郡

治中

從事武興蘇膺

張軌以秦雍移人于姑臧西北置武興郡

敦煌太守張烈為

尚書郎

敦煌門翻

西平太守金城趙凝為金城太守高昌楊

幹為高昌太守

高昌漢車師之高昌壁也張氏始置郡後為高昌國唐以其地置西州

餘

皆隨才擢叙梁熙清儉愛民河右安之

為梁熙為呂光所殺張本以

天錫武威太守敦煌索泮為別駕

索昔各翻

宋皓為主簿西

平郭護起兵攻秦熙以皓為折衝將軍討平之桓冲聞

秦攻涼州遣兗州刺史朱序江州刺史桓石秀與荊州

督護桓羅遊軍沔漢為涼州聲援

沔彌充翻

又遣豫州刺史

桓伊帥衆向壽陽

帥讀曰率下同

淮南太守劉波汎舟淮泗欲

撓秦以救涼

撓奴教翻

聞涼州敗沒皆罷兵

初哀帝減田

租畝收二升

見一百一卷隆和元年

乙巳除度田收租之制

度徒洛翻

王公以下口稅米三斛蠲在役之身

冬十月移淮北

民於淮南

畏秦也

劉衛辰為代所逼求救於秦秦王堅

以幽州刺史行唐公洛為北討大都督帥幽冀兵十萬

擊代

帥讀曰率

使并州刺史俱難鎮軍將軍鄧羌尚書趙遷

李柔前將軍朱彤前禁將軍張蚝

蚝七史翻

右禁將軍郭慶

帥步騎二十萬東出和龍西出上郡皆與洛會以衛辰

為鄉導洛菁之弟也

秦主健之入關菁有功焉健之垂沒也菁以逆誅鄉讀曰嚮

苟

萇之伐涼州也遣揚武將軍馬暉建武將軍杜周帥八

千騎西出恩宿邀張天錫走路期會姑臧暉等行澤中

值水失期於法應斬有司奏徵下獄

下遐緣翻

秦王堅曰水

春冬耗竭秋夏盛漲此乃苟萇量事失宜

量音良

非暉等

罪今天下方有事宜宥過責功命暉等回赴北軍擊索

虜以自贖

代本鮮卑索頭種故謂之索虜索昔各翻

衆咸以為萬里召將非

所以應速

將即亮翻下同

堅曰暉等喜于免死不可以常事疑

也暉等果倍道疾驅遂及東軍

暉等自西方回故謂伐代之軍為東軍

十一月己巳朔日有食之代王什翼犍使白部獨孤

部南禦秦兵皆不勝

鮮卑有白部後漢時鮮卑居白山者最為強盛後因曰白部令狐德

榮曰魏氏之初三十六部其先伏留屯者與魏俱起為部落大人遂為獨孤部犍居言翻

又使南部

大人劉庫仁將十萬騎禦之庫仁者衛辰之族什翼犍

之甥也與秦兵戰於石子嶺

石子嶺當雲中盛樂西南新唐書曰自夏州北渡烏

水一百二十里至可朱渾水源又百餘里至石子嶺

庫仁大敗什翼健病不能自

將乃帥諸部奔陰山之北高車雜種盡叛

李延壽曰高車蓋赤狄之

餘種也北方以為高車丁零或云其先匈奴甥也其遷徙隨水草衣皮食肉牛羊畜產並與柔然同唯車輪高大輻數至多因為號種章勇翻四面寇鈔鈔楚交翻不得芻牧什翼健復

度漠南

復扶又翻

聞秦兵稍退十二月什翼健還雲中初什

翼健分國之半以授弟孤

事見九十六卷成帝咸康四年

孤卒子斤失

職怨望

不復得國之半故自以為失職而怨卒子恤翻

世子寔及弟翰早卒

寔卒

見上卷簡文帝咸安元年

寔子珪尚幼慕容妃之子閼婆壽鳩紇根

地于力真窟咄皆長

闕於葛翻紇下沒翻窟苦骨翻咄當沒翻長知兩翻下同慕容妃燕

女也什翼健娶燕女為妃見九十七卷康帝建元二年

繼嗣未定時秦兵尚在君

子津

水經河水南入雲中楨陵縣西北又南過赤城東又南過定襄桐過縣西河水於二縣之間濟有君

子之名酈道元注曰昔漢桓帝西幸榆中東行代地洛陽大賈賣金貨隨帝後行夜迷失道往投津長曰子封送之度河賈人卒死津長埋之其子尋求父喪發冢舉尸資貨一無所損其子悉以金與之津長不受事聞于帝曰君子也即名其津為君子濟在雲中城西南二百餘里

諸子每夜執兵警衛斤

因說什翼健之庶長子寔君曰

說翰為翻

王將立慕容妃之

子欲先殺汝故頃來諸子每夜戎服以兵遶廬帳

北狄之長

居大氐帳環設兵衛氈帳
漢人謂之穹廬因曰廬帳

伺便將發耳

伺相吏翻

寔君信之

遂殺諸弟并弑什翼犍是夜諸子婦及部人奔告秦軍

秦李柔張蚝勒兵趨雲中

趨七喻翻

部衆逃潰國中大亂珪

母賀氏以珪走依賀訥訥野干之子也

賀野干見上卷簡文帝咸安元

年秦王堅召代長史燕鳳問其所以亂故鳳具以狀對

堅曰天下之惡一也

左傳載石祁子之言

乃執寔君及斤至長安

車裂之堅欲遷珪於長安鳳固請曰代王初亡羣下叛

散遺孫冲幼莫相統攝其別部大人劉庫仁勇而有智

鐵弗衛辰狡獪多變

劉衛辰本匈奴鐵弗種李延壽曰鐵弗南單于苗裔衛辰者左賢王

去卑之玄孫北人謂父為鮮卑母為鐵弗因以為姓

皆不可獨任宜分諸部為二

令此兩人統之兩人素有深讐其勢莫敢先發俟其孫

稍長引而立之是陛下有存亡繼絕之德於代使其子

子孫孫永為不侵不叛之臣

用左傳戎子駒支之言

此安邊之良

策也堅從之分代民為二部自河以東屬庫仁自河以西

屬衛辰各拜官爵使統其衆賀氏以珪歸獨孤部與南

部大人長孫嵩

拓跋鬱律生二子長曰沙莫雄次曰什翼犍沙莫雄為南部大人後改名仁號

為拔拔氏生嵩道武以嵩宗室之長改為
長孫氏此言長孫所出與前注略不同
元佗等皆依

庫仁行唐公洛以什翼犍子窟咄年長
長知遷之長安

堅使窟咄入太學讀書下詔曰張天錫承祖父之資藉

百年之業擅命河右叛換偏隅
鄭康成曰叛換猶跋扈也韓詩曰叛換武強也

索頭世跨朔北中分區域東賓穢貊
穢當作穢西引烏孫控

弦百萬虎視雲中爰命兩師
兩師謂荀萇伐河西之師行唐公洛伐代之師也

分討黠虜
點下八翻役不淹歲窮殄二兇俘降百萬
降戶江翻關

土九千五帝之所未賓周漢之所未至莫不重譯來王

重直龍翻

懷風率職有司可速班功受爵

杜預曰班次也受當作授

戎士

悉復之五歲

復方目翻

賜爵三級於是加行唐公洛征西將

軍以鄧羌為并州刺史陽平國常侍慕容紹私謂其兄

楷曰秦恃其疆大務勝不休北戍雲中南守蜀漢轉運

萬里道殫相望

左傳之言詩云行有死人尚或殫之毛氏曰殫路冢也殫音覲說文曰道中死

人人所覆也又餓殍為殫

兵疲於外民困於內危亡近矣冠軍叔仁

智度英拔必能恢復燕祚

秦以慕容垂為冠軍將軍楷紹之叔父也叔仁當作叔父

冠古玩翻

吾屬但當愛身以待時耳

史言鮮卑窺秦有乘釁報復之志

初秦

人既克涼州議討西障氏羌

西障西邊也

秦王堅曰彼種落

雜居

種章勇翻

不相統壹不能為中國大患宜先撫諭徵其

租稅若不從命然後討之乃使殿中將軍張旬前行宣

慰庭中將軍魏曷飛帥騎二萬七千隨之

庭中將軍秦所置蓋立仗

殿庭中者也帥讀曰率騎奇奇翻

曷飛忿其恃險不服縱兵擊之大掠

而歸堅怒其違命鞭之二百斬前鋒督護儲安以謝氏

羌氏羌大悅降附貢獻者八萬三千餘落

降戶江翻

雍州士

族先因亂流寓河西者皆聽還本

雍於用翻

劉庫仁招撫離

散恩信甚著奉事拓拔珪恩勤周備不以廢興易意常

謂諸子曰此兒有高天下之志必能恢隆祖業汝曹當

謹遇之

天下之英雄雖在童穉中固不與羣兒同也

秦王堅賞其功加廣武

將軍給幢麾鼓蓋

幢直江翻

劉衛辰恥在庫仁之下怒殺秦

五原太守而叛

五原漢郡也魏晉省弃其地於荒外秦復置郡隋唐為豐鹽二州

庫仁

擊衛辰破之追至陰山西北千餘里獲其妻子又西擊

庫狄部徙其部落置之桑乾川

桑乾縣漢屬代郡晉省益康曰乾音干拓跋魏

後置桑乾郡唐屬朔州善陽縣界魏收志拓跋力微時次南諸部有庫狄部後改為狄氏久之堅以

衛辰為西單于督攝河西雜類屯代來城

代來城在北河西蓋秦築

以居衛辰言自代來者居此城也單音蟬

是歲乞伏司繁卒子國仁立

乞為

伏國仁乘秦亂據隴西張本

二年春高句麗新羅西南夷皆遣使入貢于秦

新羅并韓苗裔

也居漢樂浪地杜佑曰新羅本辰韓種魏時為新盧國晉宋曰新羅其國在百濟東南五百餘里兼有沃沮不耐韓濊地句如字又音駒麗力知翻使疏吏翻趙故將作功曹熊邈屢為秦王

堅言石氏宮室器玩之盛堅以邈為將作長史領將作

丞

晉將作大匠有丞闕長史長史蓋秦所置屢為于偽翻

無

大脩舟艦兵器飾

以金銀頗極精巧

黠翻

慕容農私言于慕容垂曰自王

猛之死秦之法制日以頽靡今又重之以奢侈

重直用翻

殃

將至矣圖讖之言行當有驗大王宜結納英傑以承天

意時不可失垂笑曰天下事非爾所及

慕容農所見猶給楷也

桓豁表兖州刺史朱序為梁州刺史鎮襄陽秋七月

丁未以尚書僕射謝安為司徒安讓不拜復加侍中都

督揚豫徐兖青五州諸軍事

復扶又翻

丙辰征西大將軍荆

州刺史桓豁卒冬十月辛丑以桓冲都督江荆梁益寧

交廣七州諸軍事領荊州刺史以冲子嗣為江州刺史

又以五兵尚書王蘊都督江南諸軍事領徐州刺史

江南

諸軍謂晉陵諸軍也

征西司馬領南郡相謝玄為兗州刺史領廣

陵相監江北諸軍事

桓豁為征西將軍以玄為司馬監工衛翻

桓冲以秦人

彊盛欲移阻江南

此江南即上明也

奏自江陵徙鎮上明

晉志上明

在漢武陵郡孱陵縣界水經注上明城在枝江縣其地夷敞北據大江江汜枝分東入大江縣治洲上故以枝

江為稱杜佑曰上明即今江陵松滋縣西廢大明城桓冲所築也冲疏曰南平孱陵縣界地名上明田土膏良

可以資業軍人在吳時樂鄉城以上四十餘里北枕大江西接三峽宋白曰上明城桓冲所築在今松滋縣西

使冠軍將軍劉波守江陵

冠古玩翻

諮議參軍楊亮守江夏

王蘊固讓徐州謝安曰卿居后父之重不應妄自菲薄

以虧時遇

時遇謂一時之恩遇也

蘊乃受命初中書郎郗超自以

其父愔位遇應在謝安之右而安入掌機權愔優遊散

地

郗愔自徐兗二州刺史移鎮會稽郗丑之翻愔挹淫翻散悉亶翻

常憤邑形于辭色

由是與謝氏有隙是時朝廷方以秦寇為憂詔求文武

良將可以鎮禦北方者

將即亮翻

謝安以兄子玄應詔超聞

之歎曰安之明乃能違衆舉親玄之才足以不負所舉

衆咸以為不然超曰吾嘗與玄共在桓公府

桓公謂桓溫超玄同

府事見一百一卷
哀帝興寧元年

見其使才雖履屐間未嘗不得其任

是以知之

履以皮為之履以木為之履竭戰翻

玄募驍勇之士

驍聖堯翻

得彭

城劉牢之等數人以牢之為參軍常領精銳為前鋒戰

無不捷時號北府兵

晉人謂京口為北府謝安破俱難等始兼領徐州號北府兵者史終

言之敵人畏之

壬寅護軍將軍散騎常侍王彪之卒

散悉

賈翻騎
奇寄翻

初謝安欲增修宮室彪之曰中興之初即東府

為宮

東府在建康
臺城之東

殊為儉陋蘇峻之亂成帝止蘭臺都

坐

蘭臺御史臺也都坐御史臺官會坐之地坐徂卧翻

殆不蔽寒暑是以更營新

宮

見九十四卷成帝咸和五年

比之漢魏則為儉比之初過江則為

侈矣今寇敵方彊豈可大興功役勞擾百姓邪安曰宮

室弊陋後人謂人無能彪之曰凡任天下之重者當保

國寧家緝熙政事

緝續也熙廣也鄭玄曰緝熙光明也

乃以脩室屋為能

邪安不能奪其議故終彪之之世無所營造 十二月

臨海太守郗超卒

臨海本會稽東部都尉治沈約曰前漢都尉治鄞後漢分會稽為吳郡疑

是都尉徙治章安孫亮太平二年立臨海郡

初超黨于桓氏以父愔忠于王

室不令知之及病甚出一箱書授門生曰公年尊我死之後若以哀惋害寢食者可呈此箱不爾即焚之既而惜果哀惋成疾

惋烏
貫翻

門生呈箱皆與桓溫往反密計惜

大怒曰小子死已晚矣遂不復哭

復扶
又翻

三年春二月乙巳作新宮帝移居會稽王邸

會工
外翻

秦王

堅遣征南大將軍都督征討諸軍事守尚書令長樂公丕武衛將軍苟萇尚書慕容暉帥步騎七萬寇襄陽以荊州刺史楊安帥樊鄧之衆為前鋒征虜將軍始平石

越帥精騎一萬出魯陽關

南陽郡魯陽縣有魯陽關樂音洛長仲良翻帥讀曰率下

同騎奇寄翻下同

京兆尹慕容垂揚武將軍姚萇帥衆五萬出

南鄉領軍將軍苟池右將軍毛當強弩將軍王顯帥衆

四萬出武當會攻襄陽夏四月秦兵至沔北

沔彌充翻

梁州

刺史朱序以秦無舟楫不以為虞

虞防也備也

既而石越帥

騎五千浮渡漢水序惶駭固守中城越克其外郭獲船

百餘艘以濟餘軍

艘蘇遭翻

長樂公丕督諸將攻中城序母

韓氏聞秦兵將至自登城履行

行下孟翻

至西北隅以為不

固帥百餘婢及城中女丁築邪城於其內

邪即斜翻

及秦兵

至西北隅果潰衆移守新城襄陽人謂之夫人城桓冲

在上明擁衆七萬憚秦兵之彊不敢進丕欲急攻襄陽

苟萇曰吾衆十倍于敵糗糧山積

糗去九翻

但稍遷漢沔之

民于許洛塞其運道

塞悉則翻

絕其援兵譬如網中之禽何

患不獲而多殺將士急求成功哉丕從之慕容垂拔南

陽執太守鄭裔與丕會襄陽 秋七月新宮成辛巳帝

入居之 秦兗州刺史彭超請攻沛郡太守戴逵於彭

城遠領沛郡太守戍彭城

且曰願更遣重將攻淮南諸

城為征南棊劫之勢

征南謂苻丕也時督諸軍攻襄陽棊劫者以棊勢喻兵勢也圍棊者

攻其右而敵手應之則擊其左取之謂之劫

東西並進丹陽不足平也

晉都

漢丹陽秣陵縣地

秦王堅從之使都督東討諸軍事後將軍俱

難右禁將軍毛盛洛州刺史邵保帥步騎七萬寇淮陽

盱眙

俱姓也秦初以洛州刺史治陝城晉志曰滅燕之後移洛州治豐陽參考前鄧羌以洛州刺史鎮洛

陽則是時洛州刺史猶治洛陽是後北海公重以豫州刺史及平原公暉以豫州牧鎮洛陽洛州刺史始移治

豐陽淮陽晉書載記作淮陰當從之淮陰盱眙前漢並屬臨淮郡後漢晉以淮陰屬廣陵超越之弟

保羌之從弟也

邵羌見一百一卷海西公太和二年從才用翻

八月彭超攻彭

城詔右將軍毛虎生帥衆五萬鎮姑孰以禦秦兵秦梁

州刺史韋鍾圍魏興太守吉挹于西城

杜佑曰金州西城縣南九里吉

挹於峻山築壘今其山曰魏山

九月秦王堅與羣臣飲酒以祕書監

朱彤為正

正酒正也彤余中翻

人以極醉為限祕書侍郎趙整作

酒德之歌曰地列酒泉天垂酒池

九州春秋曰曹公禁酒孔融以書嘲之曰

天有酒旗之星地列酒泉之郡天文志曰軒轅右角南二星曰酒旗酒官之旗也此曰天垂酒池既曰垂矣池

當作

杜康妙識儀狄先知

魏武樂府短歌行云何以解憂唯有杜康注云杜康古之

造酒者戰國策曰昔帝女儀狄作酒以進于禹禹
飲而甘之遂疏儀狄曰後世必有以酒亡國者 紂喪

殷邦桀傾夏國由此言之前危後則紂為酒池肉林長夜之飲以亡殷史

曰夏桀淫驕乃放鳴條蓋亦以酒也前危後則謂 堅大
前人之危後人之法則也喪息浪翻夏戶雅翻

悅命整書之以為酒戒自是宴羣臣禮飲而已禮臣侍君宴不

過三 秦涼州刺史梁熙遣使入西域揚秦威德冬十

月大宛獻汗血馬使疏吏翻秦王堅曰吾嘗慕漢文帝

之為人用千里馬何為文帝却千里馬見十三卷元年命羣臣作止馬

之詩而反之反則反之何以作詩為哉此亦好名之過也巴西人趙寶起

兵涼州自稱晉西蠻校尉巴郡太守

史言蜀人思晉

秦豫州

刺史北海公重鎮洛陽謀反秦王堅曰長史呂光忠正必不與之同即命光收重檻車送長安赦之以公就第重洛之兄也 十二月秦御史中丞李柔劾奏長樂公

丕等擁衆十萬攻圍小城日費萬金久而無効請徵下

廷尉

劾戶梁翻又戶得翻下邳稼翻

秦王堅曰丕等廣費無成實宜貶

戮但師已淹時

淹滯也久留也

不可虛返其特原之令以成功

贖罪使黃門侍郎韋華持節切讓丕等賜丕劔曰來春

不捷汝可自裁勿復持面見吾也 周虓在秦密與桓

冲書言秦陰計又逃奔漢中秦人獲而赦之

虓虛交翻

四年春正月辛酉大赦 秦長樂公丕等得詔惶恐乃

命諸軍并力攻襄陽秦王堅欲自將攻襄陽

將即亮翻詔陽

平公融以關東六州之兵會壽春梁熙以河西之兵為

後繼陽平公融諫曰陛下欲取江南固當博謀熟慮不

可倉猝若止取襄陽又豈足親勞大駕乎未有動天下

之衆而為一城者

為于偽翻

所謂以隨侯之珠彈千仞之雀

也呂氏春秋曰以隨侯之珠彈千仞之雀世必笑之所用重所要輕也搜神記曰隨侯行見大蛇傷救而治之其後蛇含珠以報之徑盈寸純白而夜光可燭堂故歷世稱隨珠焉梁熙諫曰晉主之

暴未如孫皓江山險固易守難攻易以政翻陛下必欲廓清

江表亦不過分命將帥將即亮翻帥所類翻引關東之兵南臨淮

泗下梁益之卒東出巴峽又何必親屈驚輅遠幸沮澤

乎沮將豫翻下濕之地曰沮昔漢光武誅公孫述晉武帝擒孫皓未

聞二帝自統六師親執枹鼓蒙矢石也光武用岑彭吳漢以滅公孫述

晉武帝用王濬王渾以平孫皓符融梁熙未嘗離所鎮皆上疏以諫枹音膚堅乃止詔冠軍

將軍南郡相劉波帥衆八千救襄陽波畏秦不敢進朱
序屢出戰破秦兵引退稍遠序不設備二月襄陽督護
李伯護密遣其子送款于秦請為內應長樂公丕命諸
軍進攻之戊午克襄陽執朱序送長安秦王堅以序能
守節拜度支尚書

曹魏置度支尚書度徙洛翻

以李伯護為不忠斬

之秦將軍慕容越拔順陽

晉志曰太康中置順陽郡唐鄧州臨湍菊潭二縣古順陽

地

執太守譙國丁穆堅欲官之穆固辭不受堅以中壘

將軍梁成為荊州刺史配兵一萬鎮襄陽選其才望禮

而臣之桓冲以襄陽陷沒上疏送章節

章印也上時掌翻

請解

職不許詔免劉波官俄復以為冠軍將軍

秦以前將

軍張蚝為并州刺史

蚝七史翻

兗州刺史謝玄帥眾萬餘救

彭城

帥讀日率

軍于泗口欲遣間使報戴逵而不可得

間古覓翻

部曲將田泓請沒水潛行趣彭城

趣七俞翻

玄遣之泓為秦

人所獲厚賂之使云南軍已敗泓偽許之既而告城中

曰南軍垂至我單行來報為賊所得勉之秦人殺之彭

超置輜重于留城

留縣城也自漢以來屬彭城郡重直用翻下同

謝玄揚聲遣

後軍將軍何謙向留城超聞之釋彭城圍引兵還保輜

重戴遂帥彭城之衆隨謙奔玄超遂據彭城

考異曰謝玄傳云

何謙進解彭城圍又云於是罷彭城下邳二戍帝紀及諸傳皆不言此年彭城陷沒而十六國秦春秋云超據彭城又云超分兵下邳留徐褒守彭城至七月以毛當為徐州刺史鎮彭城王顯為揚州戍下邳是二城俱陷也

留兖州治中徐褒守之南攻盱眙

盱眙音怡

俱難克淮

陰

南北對境圖曰淮陰縣距淮五十步北對清河口留十里進可以窺山東內則蔽沿江晉宋以為重鎮

邵保戍之三月壬戌詔以疆場多虞

場音亦

年穀不登

其供御所須事從儉約九親供給

九親即九族

衆官廩俸權

可減半凡諸役費自非軍國事要皆宜停省 癸未使

右將軍毛虎生帥衆三萬擊巴中以救魏興

巴中即巴郡

前

鋒督護趙福等至巴西為秦將張紹等所敗

敗補邁翻

亡七

千餘人虎生退屯巴東蜀人李烏聚衆二萬圍成都以

應虎生秦王堅使破虜將軍呂光擊滅之

破虜將軍蓋符秦所置

夏四月戊申韋鍾拔魏興吉挹引刀欲自殺左右奪其

刀會秦人至執之挹不言不食而死秦王堅歎曰周孟

威不屈于前丁彥遠潔已于後吉祖冲開口而死何晉

氏之多忠臣也

周虢字孟威丁穆字彥遠吉挹字祖冲

挹參軍史頴得歸

得挹臨終手疏詔贈益州刺史

秦毛當王顯帥衆二

萬自襄陽東會俱難彭超攻淮南五月乙丑難超拔盱

眙執高密內史毛璪之

高密僑國也璪之領內史戌盱眙璪子皓翻

秦兵六

萬圍幽州刺史田洛于三阿

晉僑置幽冀青并四州於江北三阿今寶應軍即其

北去廣陵百里朝廷大震臨江列戍遣征虜將軍謝石

帥舟師屯涂中

涂讀曰除

石安之弟也右衛將軍毛安之等

帥衆四萬屯堂邑秦毛當毛盛帥騎二萬襲堂邑安之

等驚潰兗州刺史謝玄自廣陵救三阿丙子難超戰敗

退保盱眙六月戊子玄與田洛帥衆五萬進攻盱眙難

超又敗退屯淮陰玄遣何謙等帥舟師乘潮而上夜焚

淮橋

秦作橋于淮水以渡兵上時掌翻

邵保戰死難超退屯淮北玄與

何謙戴遂田洛共追之戰于君川

今盱眙縣北六里有君山此蓋君山之川

也復大破之

復扶又翻

難超北走僅以身免謝玄還廣陵詔

進號冠軍將軍加領徐州刺史

冠古玩翻

秦王堅聞之大怒

秋七月檻車徵超下廷尉

下還豫翻

超自殺難削爵為民以

毛當為徐州刺史鎮彭城毛盛為兗州刺史鎮湖陸

續漢

志湖陸故湖陵章帝更名前漢志曰王莽改曰湖陸今按湖陸縣漢屬山陽郡晉分屬高平國魏收地形志高

平縣有湖陵城當在唐兗州任城縣界

王顯為揚州刺史戍下邳謝安為

宰相秦人屢入寇邊兵失利安每鎮之以和靜其為政

務舉大綱不為小察時人比安于王導而謂其文雅過

之八月丁亥以左將軍王蘊為尚書僕射頃之遷丹

陽尹蘊自以國姻

蘊后父也

不欲在內苦求外出復以為都

督浙江東五郡諸軍事會稽內史

蘊先督徐州今復督浙東復扶又翻會工

外翻

是歲秦大饑

五年春正月秦王堅復以北海公重為鎮北大將軍鎮

蕞

重謀反而不誅復任之以方面宜其與弟洛反也復扶又翻

二月作教武堂于渭

城

漢高帝元年改咸陽曰新城武帝元鼎三年更名渭城後漢晉省石勒置石安縣苻秦復曰渭城

命

太學生明陰陽兵法者教授諸將

將即亮翻

祕書監朱彤諫

曰陛下東征西伐所向無敵四海之地什得其八雖江

南未服蓋不足言是宜稍偃武事增修文德乃更始立

學舍教人戰鬪之術殆非所以馴致升平也

馴從也言從此而致

也升平

且諸將皆百戰之餘何患不習於兵而更使受教

子書生非所以彊其志氣也此無益於實而有損于名

惟陛下圖之堅乃止 秦征北將軍幽州刺史行唐公

洛

洛以幽州刺史鎮和龍行唐職國時趙邑秦以為縣魏晉因之

勇而多力能坐制奔

牛射洞犂耳

犂耳之鐵厚而堅

自以有滅代之功

滅代見上元年

求開

府儀同三司不得由是怨憤三月秦王堅以洛為使持

節都督益寧西南夷諸軍事征南大將軍益州牧

使疏吏翻

使自伊闕趨襄陽沂漢而上

趨七喻翻上時掌翻

洛謂官屬曰孤

帝室至親

洛苻健兄弟也

不得入為將相而常擯棄邊鄙今又

投之西裔復不聽過京師

復扶又翻過古禾翻

此必有陰計欲使

梁成沈孤於漢水耳

梁成時鎮襄陽沈持林翻

幽州治中平規曰逆

取順守湯武是也

漢陸賈曰湯武逆取而順守之

因禍為福桓文是也

齊桓晉文皆因兄弟爭國得國而霸

主上雖不為昏暴然窮兵黷武民思

有所息肩者十室而九若明公神旗一建必率土雲從

今跨據全燕地盡東海北摠烏桓鮮卑東引句麗百濟

燕於賢翻句音駒麗力知翻

控弦之士不減五十餘萬奈何束手就

徵蹈不測之禍乎洛攘袂大言曰孤計決矣沮謀者斬

沮在呂翻

於是自稱大將軍大都督秦王以平規為幽州刺

史玄菟太守吉貞為左長史

菟同都翻

遼東太守趙讚為左

司馬昌黎太守王緼為右司馬遼西太守王琳北平太

守皇甫傑牧官都尉魏敷等為從事中郎

漢邊郡有牧官秦置牧官

都尉分遣使者徵兵于鮮卑烏桓高句麗百濟新羅休忍

諸國遣兵三萬助北海公重成薊諸國皆曰吾為天子

守藩

為于偽翻

不能從行唐公為逆洛懼欲止猶豫未決王

縕王琳皇甫傑魏敷知其無成欲告之洛皆殺之吉貞

趙讚曰今諸國不從事乖本圖明公若憚益州之行者

當遣使奉表乞留

使派吏翻下同

主上亦不慮不從平規曰今

事形已露何可中止宜聲言受詔盡幽州之兵南出常

山陽平公必郊迎因而執之進據冀州

陽平公融以冀州收鎮鄴平規

使洛出中山以臨鄴

摠關東之衆以圖西土天下可指麾而定也

洛從之夏四月洛帥衆七萬發和龍

帥讀曰率下同

秦王堅召

羣臣謀之步兵校尉呂光曰行唐公以至親為逆此天

下所共疾願假臣步騎五萬取之如拾遺耳堅曰重洛兄弟據東北一隅兵賦全資未可輕也光曰彼衆迫於凶威一時蟻聚耳若以大軍臨之勢必瓦解不足憂也堅乃遣使讓洛使還和龍當以幽州永為世封洛謂使者曰汝還白東海王

堅本封東海王

幽州徧狹不足以容萬乘

須王秦中以承高祖之業

符健廟號高祖乘紳證翻王于況翻

若能迎駕

潼關者當位為上公爵歸本國堅怒遣左將軍武都竇

衡及呂光帥步騎四萬討之右將軍都貴馳傳詣鄴

都姓

貴名鄭公孫開字子都
子孫以為氏傳株戀翻

將冀州兵三萬為前鋒

將即亮翻

陽平公融為征討大都督北海公重悉薊城之衆與洛

會屯中山有衆十萬

薊音計

五月竇衡等與洛戰于中山

洛兵大敗生擒洛送長安北海公重走還薊呂光追斬

之屯騎校尉石越自東萊帥騎一萬浮海襲和龍斬平

規幽州悲平堅赦洛不誅徙涼州之西海郡

漢獻帝興平二年武

威太守張雅請置西海郡於居延

臣光曰夫有功不賞有罪不誅雖堯舜不能為治

漢用

宣帝詔而畧變其文治直吏翻

沉他人乎秦王堅每得反者輒宥之

使其臣扭予為逆

狎狎也

行險徼幸

徼堅亮翻

雖力屈被擒

猶不憂死亂何自而息哉書曰威克厥愛允濟愛克

厥威允罔功

書亂征之辭

詩云毋縱詭隨以謹罔極式遏

寇虐無俾作惡

詩民勞第三章之辭

今堅違之能無亡乎

朝廷以秦兵之退為謝安桓冲之功拜安衛將軍與冲

皆開府儀同三司

六月甲子大赦

丁卯以會稽王

道子為司徒

會工外翻

固讓不拜

秦王堅召陽平公融為

侍中中書監都督中外諸軍事車騎大將軍司隸校尉

錄尚書事以征南大將軍守尚書令長樂公丕為都督

關東諸軍事征東大將軍冀州牧

樂音洛

堅以諸氏種類

繁滋

種章勇翻

秋七月分三原九巘武都汧雍氏十五萬戶

九巘山在漢馮翊雲陽縣界唐在醴泉縣巘祖紅翻汧苦堅翻雍於用翻

使諸宗親各領之

散居方鎮如古諸侯長樂公丕領氏三千戶以仇池氏

酋射聲校尉楊膺為征東左司馬九巘氏酋長水校尉

齊午為右司馬各領一千五百戶為長樂世卿

古者封建諸侯

國命卿皆世其官堅分諸宗親散居方鎮各以種類為世卿樂音洛苗慈由翻長樂郎中令略

陽垣敞為錄事參軍

垣氏姓也後隨宋武南歸遂為累世將家

侍講扶風韋

幹為參軍事申紹為別駕膺丕之妻兄也午膺之妻父

也八月分幽州置平州

晉書曰按平州禹貢冀州之域于周為幽州界漢屬北平郡後

漢末公孫度自號平州牧至遼文懿為魏所滅因置平州統遼東昌黎玄菟帶方五郡後還合於幽州符秦滅燕復分幽州置平州公孫淵字文懿唐避高祖諱稱其字以石越為平州刺史鎮龍

城中書令梁謹為幽州刺史鎮薊城撫軍將軍毛興為

都督河秦二州諸軍事河州刺史鎮枹罕

枹音膚

長水校

尉王騰為并州刺史鎮晉陽河并二州各配底戶三千

興騰並苻氏婚姻氏之崇望也平原公暉為都督豫洛

荆南兗東豫陽六州諸軍事鎮東大將軍豫州牧鎮洛

陽秦兗州刺史鎮倉垣南兗州鎮湖陸又秦初以豫州刺史鎮許昌滅燕之後以豫州刺史鎮洛陽於許昌

置東豫州陽當作揚按後魏書地形志天平初始置揚州于宜陽苻堅以王顯為揚州刺史戍下邳正屬暉所

統移洛州刺史治豐陽苻秦初以洛州刺史鎮陝城荆

州徙洛州于豐陽豐陽漢上洛縣地也宋白曰豐陽漢商縣地晉泰始三年分置豐陽縣在豐陽川鉅

鹿公敵為雍州刺史雍於各配底戶三千二百堅送不

至灞上諸氏別其父兄皆慟哭哀感路人趙整因侍宴

援琴而歌曰

項安世家說伏羲作琴長三尺六寸六分象三百六十六日也廣六寸象六合也文

上曰池下曰岩池水平也前廣後狹象尊卑也上圓下方法天地也五弦官也大弦君也寬和而溫小弦臣也

清廉而不亂文王加三弦合君臣思也援于元翻杜佑曰世本云琴神農所造琴操云伏羲作琴所以修身理

性反其天真白虎通曰琴禁也禁止于邪以正人心也廣雅曰文王武王加二絃以合君臣之恩也揚雄琴清

美曰舜彈五絃而天下化堯加二絃以合君臣之恩阿得脂阿得脂博勞舅父是

仇綏

爾雅鵲伯勞郭璞曰伯勞似鵲鵲而大飛不能翔翔疎翅上下而已廣雅曰伯勞一曰博勞一名伯

趙仇綏不知為何物尾長翼短不能飛遠徙種人留鮮卑

謂徙諸氏而留

慕容也種
章勇翻

一旦緩急當語誰堅笑而不納

語牛
倨翻

九月

癸未皇后王氏崩 冬十月九真太守李遜據交州反

秦王堅以左禁將軍揚壁為秦州刺史尚書趙遷為

洛州刺史南巴校尉姜宇為寧州刺史

符秦于南中
置南巴校尉

十一月乙酉葬定皇后于隆平陵 十二月秦以左將

軍都貴為荊州刺史鎮彭城

都貴鎮襄陽
彭城誤也

置東豫州以

毛當為刺史鎮許昌 是歲秦王堅遣高密太守毛瑯

之等二百餘人來歸

毛瑯之被禽
見上四年

六年春正月帝初奉佛法立精舍于殿內

後漢書姜肱傳曰就精廬

求見徵君賢曰精廬即精舍也蓋以專精講習所業為義今儒釋肄業之地通曰精舍

引諸沙門

居之尚書左丞王雅表諫不從雅肅之曾孫也

王肅仕曹魏以

經學著名武帝肅外孫也

丁酉以尚書謝石為僕射

二月東夷

西域六十二國入貢于秦

夏六月庚子朔日有食之

秋七月甲午交趾太守杜瑗斬李遜交州平 冬十

月故武陵王晞卒于新安

晞徙新安見上卷簡文帝咸安元年

追封新寧

郡王命其子遵為嗣 十一月己亥以前會稽內史郗

愔為司空愔固辭不起 秦荊州刺史都貴遣其司馬

閻振中兵參軍吳仲帥衆二萬寇竟陵

竟陵侯國前漢屬江夏郡惠帝

分立竟陵郡

桓冲遣南平太守桓石虔衛軍參軍桓石民等

帥水陸二萬拒之

帥讀曰率

石民石虔之弟也十二月甲辰

石虔襲擊振仲大破之振仲退保管城石虔進攻之癸

亥拔管城

據載記石虔襲破振仲于潞水振仲退保管城又據水經潞水逕郡縣故城南又東潞水

注之潞水西南注于潞寔曰潞口潞水又南逕石城西城因山為固晉竟陵郡所治也以此攷之管城當在潞

水獲振仲斬首七千級俘虜萬人詔封桓冲子謙為宜

陽侯以桓石虔領河東太守

沈約曰成帝咸康三年征西將軍庾亮以司州僞戶

立南河東郡屬荊州五代志南郡松滋縣江左置河東郡

是歲江東大饑

七年秦大司農東海公陽負外散騎侍郎王皮

晉職官志散騎

侍郎四人魏初與散騎常侍同置負外散騎侍郎晉武帝置散悉亶翻騎奇寄翻

尚書郎周虓

謀反

虓虛交翻

事覺收下廷尉

下廷尉翻

陽法之子皮猛之子也

秦王堅問其反狀陽曰臣父哀公死不以罪

法死見一百卷穆帝

升平元年臣為父復讐耳

為于僞翻下嘗為同

堅泣曰哀公之死事不

在朕卿豈不知之王皮曰臣父丞相有佐命之勲而臣

不免貧賤故欲圖富貴耳堅曰丞相臨終託卿以十具

牛為治田之資未嘗為卿求官

治直之翻
為于偽翻

知子莫若父

何其明也周虢曰虢世荷晉恩生為晉臣死為晉鬼復

何問乎

荷下可翻復
扶又翻下同

先是虢屢謀反叛

先悉
薦翻

左右皆請

殺之堅曰孟威烈士秉志如此豈憚死乎殺之適足成

其名耳皆赦不誅徙陽于涼州之高昌郡

徵諸晉志河
西張氏未嘗

置高昌郡苻堅之平河西也以高昌楊幹為高昌太守
疑張氏置是郡苻氏因之高昌即漢車師後部高昌壁

之地注
又見後

皮虢于朔方之北虢卒于朔方

卒子
恤翻

陽勇力兼

人尋復徙鄴善及建元之末秦國大亂

建元十九年堅伐晉而敗秦遂

以亂二十年堅死是建元十八年也復扶文翻鄴上扇翻

陽劫鄴善之相欲求東歸

鄴善王殺之

史終言之

秦王堅徙鄴銅駝銅馬飛廉翁仲

于長安

石虎所置于鄴者

夏四月堅扶風太守王永為幽州

刺史

堅下有當有以字

永皮之兄也皮凶險無行而永清修好學

行下孟翻好呼到翻

故堅用之以陽平公融為司徒融固辭不受

堅方謀伐晉乃以融為征南大將軍開府儀同三司

五月幽州蝗生廣袤千里

廣古贍翻

秦王堅使散騎常侍彭

城劉蘭發幽冀青并民撲除之

撲普
卜翻

秋八月癸卯大

赦秦王堅以諫議大夫裴元略為巴西梓潼二郡太

守使密具舟師

欲祖王濬之故智順
流東下而伐晉也

九月車師前部

王彌竇鄒善王休密馱

竇堂見翻
馱堂何翻

入朝于秦

朝直
遠翻

請為

鄉導以伐西域之不服者

鄉讀
曰嚮

因如漢法置都護以統

理之秦王堅以驍騎將軍呂光為使持節都督西域征

討諸軍事

驍堅克翻騎奇寄
翻下同仗疏吏翻

與凌江將軍姜飛

凌江將
軍晉文

王所置以

輕車將軍彭晃將軍杜進康盛等

杜進康盛
位至將軍

授羅憲

未有將

車號 摠兵十萬鐵騎五千以伐西域陽平公融諫曰

西域荒遠得其民不可使得其地不可食漢武征之得

不補失

謂漢武伐大宛破樓蘭姑師田車師也

今勞師萬里之外以踵漢

氏之過舉臣竊惜之不聽 桓冲使揚威將軍朱綽擊

秦荊州刺史都貴于襄陽焚踐沔北屯田掠六百餘戶

而還

沔彌充翻

冬十月秦王堅會羣臣于太極殿議曰自吾

承業垂三十載

堅以升平元年自立至是凡二十六年惟年之久長懼于不終尚庶幾焉乃欲

疲民以逞
宜其亡也

四方略定唯東南一隅未霑王化今略計吾

士卒可得九十七萬吾欲自將以討之

將即亮翻

何如祕書

監朱彤曰陛下恭行天罰必有征無戰晉主不銜璧軍

門則走死江海陛下返中國士民使復其桑梓

謂永嘉之末避

亂南渡之子孫也

然後回輿東巡告成岱宗

杜佑曰岱宗東岳也特謂太山為岱

宗者以其處東北居寅丑之間萬物終始之地陰陽交代之所為衆山之宗故曰岱宗

此千載一

時也

戴子亥翻

堅喜曰是吾志也尚書左僕射權翼曰昔紂

為無道三仁在朝武王猶為之旋師

論語微子去之箕子為之奴比干諫

而死孔子曰殷有三仁焉史記武王即位九年東觀兵至于盟津諸侯不期而會者八百皆曰紂可伐矣武王

曰未可也乃還師居二年紂暴虐滋甚殺王子比干囚箕子微子奔周武王告諸侯曰殷有重罪不可不伐遂滅之朝直還翻猶為干偽翻今晉雖微弱未有大惡謝安桓冲皆江

表偉人君臣輯睦内外同心以臣觀之未可圖也堅嘿

然良久曰諸君各言其志太子左衛率石越曰今歲鎮

守斗福德在吳

歲木星鎮土星斗牛女吳越揚州分

伐之必有天殃且彼

據長江之險民為之用殆未可伐也堅曰昔武王伐紂

逆歲違卜

荀子曰武王之誅紂也東面而迎太歲揚僊注曰迎謂逆太歲也尸子曰武王伐紂魚辛

諫曰歲在北方不可北征武王不從史記齊世家武王將伐紂卜龜兆不吉風雨暴至羣公盡懼唯太公強之

勅武王武
王遂行

天道幽遠未易可知

易以

夫差孫皓皆保據

江湖不免于亡今以吾之衆投鞭于江足斷其流

斷丁

又何險之足恃乎對曰三國之君皆淫虐無道

三國之

夫差故敵國取之易于拾遺

易以

今晉雖無德未有大

罪願陛下且案兵積穀以待其釁于是羣臣各言利害

久之不決堅曰此所謂築舍道傍無時可成

詩曰如彼

謀是用不

吾當內斷於心耳

斷丁

羣臣皆出獨留陽平

公融謂之曰自古定大事者不過一二臣而已今衆言

紛紛徒亂人意吾當與汝決之對曰今伐晉有三難天

道不順一也晉國無釁二也我數戰兵疲

數所角翻

民有畏

敵之心三也羣臣言晉不可伐者皆忠臣也願陛下聽

之堅作色曰汝亦如此吾復何望

復扶又翻

吾彊兵百萬資

仗如山吾雖未為令主亦非闇劣

劣弱也

乘累捷之勢擊

垂亡之國何患不克豈可復留此殘寇使長為國家之

憂哉

漢魏相有言恃國家之大矜人民之衆欲見威于敵者謂之驕兵兵驕者滅其恃堅之謂歟復扶又

翻下同

融泣曰晉未可滅昭然甚明今勞師大舉恐無

萬全之功且臣之所憂不止于此陛下寵育鮮卑羗羯
布滿畿甸此屬皆我之深仇太子獨與弱卒數萬留守
京師臣懼有不虞之變生于腹心肘腋不可悔也臣之
頑愚誠不足采王景畧一時英傑陛下常比之諸葛武

族

諸葛亮
謚武侯

獨不記其臨沒之言乎

見上卷寧
康三年

堅不聽于

是朝臣進諫者衆堅曰以吾擊晉校其彊弱之勢猶疾風之掃秋葉而朝廷內外皆言不可誠吾所不解也

直朝

遙翻下同解
戶買翻曉也

太子宏曰今歲在吳分

分扶
問翻

又晉君無罪

若大舉不捷恐威名外挫財力內竭此羣下所以疑也

堅曰昔吾滅燕亦犯歲而捷天道固難知也秦滅六國

六國之君豈皆暴虐乎冠軍京兆尹慕容垂

冠軍即冠軍將軍也

晉書載記所書率書將軍號而不繫將軍通鑑因之冠古玩翻

言子堅曰弱併于彊小

併於大此理勢自然非難知也以陛下神武應期威加

海外虎旅百萬韓白滿朝

韓白謂韓信白起言秦多良將也

而最爾江

南

蕞徂外翻小也

獨違王命豈可復留之以遺子孫哉

復扶又翻違于

季翻詩云謀夫孔多是用不集

詩小旻之辭

陛下斷自聖心足

矣

斷丁
亂翻

何必廣詢朝衆晉武平吳所仗者張杜二三臣

而已若從朝衆之言豈有混壹之功

謂張華杜預也事
見八十卷武帝咸

寧五年朝
直遙翻

堅大悅曰與吾共定天下者獨卿而已賜帛

五百匹堅銳意欲取江東寢不能旦陽平公融諫曰知

足不辱知止不殆

老子道德經
立戒篇之辭

自古窮兵極武未有不

亡者且國家本戎狄也正朔會不歸人

會要也言大要
中國正朔相傳

不歸夷
狄也

江東雖微弱僅存然中華正統天意必不絕之

堅曰帝王歷數豈有常邪惟德之所在耳劉禪豈非漢

之苗裔邪終為魏所滅汝所以不如吾者正病此不達

變通耳堅素信重沙門道安

道安在襄陽堅破襄陽興而致之

羣臣使

道安乘間進言

間古覓翻

十一月堅與道安同輦遊于東苑

堅曰朕將與公南遊吳越泛長江臨滄海不亦樂乎

樂音

洛安曰陛下應天御世居中土而制四維自足比隆堯

舜何必櫛風沐雨經畧遐方乎且東南卑濕沴氣易構

沴音戾五行之氣相克勝則為沴氣

虞舜遊而不歸大禹往而不復

虞舜南巡

狩崩于蒼梧之野禹東巡狩至于會稽而崩

何足以上勞大駕也堅曰天生

烝民而樹之君使司牧之朕豈敢憚勞使彼一方獨不

被澤乎

被皮義翻

必如公言是古之帝王皆無征伐也道安

曰必不得已陛下宜駐蹕洛陽遣使者奉尺書于前諸將摠六師于後彼必稽首入臣不必親涉江淮也

稽音啟

堅不聽堅所幸張夫人諫曰妄聞天地之生萬物聖王

之治天下

治直之翻

皆因其自然而順之故功無不成是以

黃帝服牛乘馬因其性也

言因牛馬之性故可引重而致遠

禹濬九川

障九澤因其勢也

言因高下之勢故可滌源而放澤

后稷播殖百穀因

其時也

因天時而播
殖則百穀成

湯武帥天下而攻桀紂因其心也

因人心而用兵則
天下服帥讀曰率

皆有因則成無因則敗今朝野之人

皆言晉不可伐陛下獨決意行之妾不知陛下何所因

也書曰天聰明自我民聰明

書皋陶謨之辭

天猶因民而況人

乎妾又聞王者出師必上觀天道下順人心今人心既

不然矣請驗之天道諺云雞夜鳴者不利行師犬羣吠

者宮室將空

吠戶
刀翻


兵動馬驚軍敗不歸自秋冬以來衆

雞夜鳴羣犬哀吠廐馬多驚武庫兵器自動有聲此皆

非出師之祥也堅曰軍旅之事非婦人所當預也堅幼
子中山公詵最有寵亦諫曰臣聞國之興亡繫賢人之
用捨今陽平公國之謀主而陛下違之晉有謝安桓冲
而陛下伐之臣竊惑之堅曰天下大事孺子安知秦
劉蘭討蝗經秋冬不能滅十二月有司奏徵蘭下廷尉
下廷秦王堅曰災降自天非人力所能除此由朕之失
稼翻政蘭何罪乎是歲秦大熟上田畝收七十石下者三十
石蝗不出幽州之境不食麻豆上田畝收百石下者五

十石

物反常為妖蝗之為災尚矣蝗生而不食五穀未
之大者也農人服田力穡至于有秋自古以來未
有畝收百石七十石之理而畝收五十石三十石亦未
之聞也使其誠有之又豈非反常之大者乎使其無之
則州縣相與誣飾以罔上亦
不祥之大者也秦亡宜矣



資治通鑑卷一百四

欽定四庫全書

史部

資治通鑑卷一百五十五至

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官庶吉士臣范 鏊

謄錄監生臣劉 璠

欽定四庫全書

資治通鑑卷一百五

宋

司馬光 撰

胡三省 音註

晉紀二十七

起昭陽協洽盡閏
逢君離凡七年

烈宗孝武皇帝上之下

太元八年春正月秦昌光發長安以鄯善王休密馱車

師前部主彌寔為鄉導

部上翦翻馱唐何翻寔徒
賢翻又唐見翻鄉讀曰嚮

三

月丁巳大赦夏五月桓冲帥眾十萬伐秦攻襄陽

帥讀

日遣前將軍劉波等攻沔北諸城沔彌充翻輔國將軍楊亮

攻蜀拔五城進攻涪城涪音浮鷹揚將軍郭銓攻武當六

月冲別將攻萬歲筑陽拔之萬歲城名蓋近筑陽筑陽縣漢屬南陽郡晉屬順陽

郡春秋穀伯之國唐為襄州穀城縣師古曰筑音逐秦王堅遣征南將軍鉅鹿公

叡冠軍將軍慕容垂等帥步騎五萬救襄陽冠古玩翻騎奇寄翻

兖州刺史張崇救武當後將軍張蚝步兵校尉姚萇救

涪城蚝七吏翻萇仲良翻叡軍於新野垂軍於鄧城鄧城縣屬襄陽郡蓋晉置

也桓冲退屯沔南秋七月郭銓及冠軍將軍桓石虔敗

張崇於武當

敗補
遂翻

掠二千戶以歸鉅鹿公叡遣慕容垂

為前鋒進臨沔水垂夜命軍士人持十炬繫於樹枝光

照數十里冲懼退還上明

冲鎮上明見
上卷二年

張蚝出斜谷

斜余

遮翻谷音浴
又古祿翻

楊亮引兵還冲表其兄子石民領襄城太

守戍夏口冲自求領江州刺史詔許之

秦王堅下詔

大舉入寇民每十丁遣一兵其良家子年二十已下有

材勇者皆拜羽林郎又曰其以司馬昌明為尚書左僕

射謝安為吏部尚書桓冲為侍中勢還不遠

謂以勢言之
克晉之

期近在旦夕還師不遠也還音旋又如字

可先為起第為于偽翻

良家子至者三

萬餘騎

騎奇寄翻下同

拜秦州主簿趙盛之為少年都統

都統官名

起于此少詩照翻下同

是時朝臣皆不欲堅行

朝直遙翻

獨慕容垂姚

萇及良家子勸之陽平公融言於堅曰鮮卑羌虜我之

仇讐

慕容垂鮮卑也姚萇羌也其國皆為秦所滅雖曰臣服其實仇讐

常思風塵之變

以逞其志所陳策畫何可從也良家少年皆富饒子弟

不閑軍旅苟為諂諛之言以會陛下之意

會會合也

今陛下

信而用之輕舉大事臣恐功既不成仍有後患悔無及

也堅不聽八月戊午堅遣陽平公融督張蚝慕容垂等

步騎二十五萬為前鋒以兗州刺史姚萇為龍驤將軍

督益梁州諸軍事堅謂萇曰昔朕以龍驤建業

堅以龍驤將軍

殺苻生得秦國驤恩將翻

未嘗輕以授人卿其勉之左將軍竇衝曰

王者無戲言此不祥之徵也堅默然慕容楷慕容紹言

於慕容垂曰主上驕矜已甚叔父建中興之業在此行

也垂曰然非汝誰與成之

至此垂知堅必敗方與兄子明言之

甲子堅發

長安戎卒六十餘萬騎二十七萬旗鼓相望前後千里

九月堅至項城涼州之兵始達咸陽蜀漢之兵方順流而下幽冀之兵至於彭城東西萬里水陸齊進運漕萬

艘

艘蘇遭翻

陽平公融等兵三十萬先至潁口

潁水入淮之口也地理志

潁水出陽城縣陽乾山東下至蔡入淮

詔以尚書僕射謝石為征虜將軍

征討大都督以徐兗二州刺史謝玄為前鋒都督與輔國將軍謝琰西中郎將桓伊等衆共八萬拒之使龍驤將軍胡彬以水軍五千援壽陽琰安之子也是時秦兵既盛都下震恐謝玄入問計於謝安安夷然

夷坦也平也言坦然

無異乎
日也

答曰已別有旨既而寂然玄不敢復言乃令張

玄重請

復扶又翻
重直用翻

安遂命駕出遊山墅

墅承與翻
園廬也

親朋

畢集與玄圍碁賭墅安碁常劣於玄是日玄懼便為敵

手而又不勝

敵手謂下子爭行劫智筭相敵
也玄意不在碁故不能勝安

安遂遊陟

至夜乃還

還從宣翻
又如字

桓沖深以根本為憂遣精銳三千

入衛京師謝安固却之曰朝廷處分已定

處昌呂翻
分扶問翻

兵

甲無闕西藩宜留以為防沖對佐吏歎曰

諸藩府參
佐為佐吏謝

安石有廟堂之量不閑將略

將即
亮翻

今大敵垂至方遊談

不暇遣諸不經事少年拒之衆又寡弱天下事已可知

吾其左社矣 以琅邪王道子錄尚書六條事錄尚書六條事

始於劉聰 冬十月秦陽平公融等攻壽陽癸酉克之執平

虜將軍徐元喜等融以其參軍河南郭褒為淮南太守

淮南郡本治壽陽秦既得之以郭褒為太守 慕容垂拔鄆城杜預曰江夏雲

城鄆于分翻 胡彬聞壽陽陷退保硤石水經注淮水東過壽春縣北右合肥水又

北逕山峽中謂之峽石對岸山上結二城 融進攻之秦

以防津要杜佑曰硤石今汝陰郡下蔡縣 衛將軍梁成等帥衆五萬屯于洛澗柵淮以遏東兵水經

注洛澗上承苑馬塘水北歷秦墟
下注淮謂之洛口帥讀曰率下同謝石謝玄等去洛澗

二十五里而軍憚成不敢進胡彬糧盡潛遣使告石等

曰今賊盛糧盡恐不復見大軍
復扶又翻秦人獲之送於陽

平公融融馳使白秦王堅曰賊少易擒但恐逃去宜速

赴之
使疏吏翻下同融持議以為晉不可伐今臨敵乃輕脫如此亦天奪其鑒也少詩沼翻易以豉翻

堅乃留大軍於項城引輕騎八千無道就融於壽陽遣

尚書朱序來說謝石等以為彊弱異勢不如速降
三年堅執

朱序于襄陽拜為度支尚
書說輸芮翻降戶江翻序私謂石等曰若秦百萬之

衆盡至誠難與為敵今乘諸軍未集宜速擊之若敗其

前鋒

敗捕邁翻

則彼已奪氣可遂破也石聞堅在壽陽甚懼

欲不戰以老秦師謝琰勸石從序言十一月謝玄遣廣

陵相劉牢之帥精兵五千趣洛澗

趣七喻翻

未至十里梁成

阻澗為陳以待之

陳讀曰陣下同

牢之直前渡水擊成大破之

斬成及弋陽太守王詠

曹魏分西陽蘄春置弋陽郡秦未能有其地也王詠領太守耳

弋陽唐為光蘄黃三州之地

又分兵斷其歸津

斷丁管翻

秦步騎崩潰爭

赴淮水士卒死者萬五千人執秦揚州刺史王顯等盡

收其器械軍實于是謝石等諸軍水陸繼進秦王堅與

陽平公融登壽陽城望之見晉兵部陣嚴整又望八公

山上草木皆以為晉兵

八公山在今壽春縣北四里世傳漢淮南王安好神仙忽有八

公皆鬚眉皓素詣門求見門者曰吾王好長生今先生無駐衰之術未敢以聞八公皆變成童遂立廟于山上或言今廟食于此山者乃右吳朱驕任被雲被雪八人皆淮南王之客世以八公為仙誕也

顧謂融

曰此亦勅敵何謂弱也

勅渠京翻強也

憮然始有懼色

憮罔甫翻悵然

失意貌

秦兵逼肥水而陳晉兵不得渡謝玄遣使謂陽平

公融曰君懸軍深入而置陳逼水此乃持久之計非欲

速戰者也若移陳少却

少詩治翻下同

使晉兵得渡以決勝負

不亦善乎秦諸將皆曰我衆彼寡不如過之使不得上

上時掌翻

可以萬全堅曰但引兵少却使之半渡我以鐵騎

感而殺之蔑不勝矣融亦以為然遂麾兵使却秦兵遂

退不可復止

兩陳相向退者先敗此用兵之常勢也復扶又翻

謝玄謝琰桓伊

等引兵渡水擊之融馳騎略陳欲以帥退者

帥讀曰率

馬倒

為晉兵所殺秦兵遂潰玄等乘勝追擊至于青岡

青岡去今

壽春縣秦兵大敗自相蹈藉而死者蔽野塞川

言敗兵自相蹈

踐枕藉而死也藉
慈夜翻塞悉則翻

其走者聞風聲鶴唳皆以為晉兵且

至晝夜不敢息草行露宿

草行者涉草而行不敢由路
露宿者宿於野次不敢入人

家皆懼
追兵也

重以饑凍

重直
用翻

死者什七八初秦兵少却朱序

在陳後呼曰

呼火
故翻

秦兵敗矣眾遂大奔序因與張天錫

徐元喜皆來奔獲秦王堅所乘雲母車

晉制雲母車以
雲母飾犢車臣

下不得乘以賜王公耳趙彥綰續古今注石
虎皇后乘輦以純雲母代紗四望皆通徹

復取壽陽

執其淮南太守郭褒

晉復取壽陽故秦
所置太守見執

堅中流矢

中竹
仲翻

單騎走至淮北饑甚民有進壺飧豚髀者

飧蘇昆翻熟
食曰飧字林

曰水澆飯也

堅食之賜帛十匹綿十斤辭曰陛下厭苦安樂

樂音洛

自取危困臣為陛下子陛下為臣父安有子飼其

父而求報乎弗顧而去

飼祥吏翻

堅謂張夫人曰吾今復何

面目治天下乎

復扶又翻治直之翻

潛然流涕

潛所姦翻流涕貌又所版翻所晏翻

是時諸軍皆潰惟慕容垂所將三萬人獨全

垂別擊鄖城不與肥

水之戰且持軍嚴整故諸軍皆潰而垂軍獨全將即亮翻

堅以千餘騎赴之世子寶

言於垂曰家國傾覆天命人心皆歸至尊但時運未至

故晦迹自藏耳今秦主兵敗委身于我是天借之便以

復燕祚此時不可失也願不以意氣微恩忘社稷之重

意氣微恩謂堅厚禮垂父子也

垂曰汝言是也然彼以赤心投命於我

若之何害之天苟棄之不患不亡不若保護其危以報

德徐俟其釁而圖之既不負宿心且可以義取天下

慕容

垂此言猶有君人之度

奮威將軍慕容德曰秦彊而并燕秦弱而

圖之此為報仇雪恥非負宿心也兄奈何得而不取釋

數萬之衆以授人乎垂曰我昔為太傅所不容置身無

所逃死於秦

見一百二卷海西公太和四年

秦主以國士遇我恩禮備

至後復為王猛所賣

復扶又翻下尚復德復同

無以自明秦主獨能

明之

見太和五年

此恩何可忘也若底運必窮吾當懷集關

東以復先業耳關西會非吾有也冠軍行參軍趙秋曰

明公當紹復燕祚著於圖讖

冠古玩翻讖楚諧翻

今天時已至尚

復何待若殺秦主據鄴都鼓行而西三秦亦非苻氏之

有也垂親黨多勸垂殺堅垂皆不從悉以兵授堅平南

將軍慕容暉屯鄆城聞堅敗棄其衆遁去至滎陽慕容

德復說暉起兵以復燕祚

尚復德復扶又翻說輸芮翻

暉不從謝安

得驛書知秦兵已敗時方與客圍碁攝書置牀上了無

喜色

攝收也

圍碁如故客問之徐答曰小兒輩遂已破賊

既罷還內過戶限不覺屐齒之折

言其喜甚也史言安矯情鎮物人臣以安

社稷為悅者也大敵壓境一戰而破之安得不喜乎屐齒之折亦非安之訾也

丁亥謝石等歸

建康得秦樂工能習舊聲于是宗廟始備金石之樂

永嘉

之亂伶官樂器皆沒於劉石江左初立宗廟以無雅樂及伶人省太樂并鼓吹令是後頗得登歌食舉之樂猶有未備太寧末明帝又訪阮孚等增益之咸和中成帝乃復置太樂官鳩集遺工而尚未有金石也及慕容皝平冉閔兵戈之際鄴下樂人頗亦有來者謝尚鎮壽陽採拾樂人以備太樂并制石磬雅樂始頗具而王猛平

鄴慕容氏所得樂聲又入闕右令破苻堅獲乙未以張其樂工楊蜀等閑習舊樂于是金石始備焉

天錫為散騎常侍

散悉亶翻騎奇寄翻

朱序為琅邪內史秦王

堅收集離散比至洛陽

比必寐翻

衆十餘萬百官儀物軍容

粗備

粗坐五翻

慕容農謂慕容垂曰尊不迫人於險

尊謂其父垂也

慕容令亦呼垂為尊蓋其父子間常稱也

其義聲足以感動天地農聞祕記

曰燕復興當在河陽

燕于賢翻

夫取果於未熟與自落不過

晚旬日之間然其難易美惡相去遠矣

易以政翻

垂心善其

言行至澠池

澠彌充翻

言于堅曰北鄙之民聞王師不利輕

相扇動臣請奉詔書以鎮慰安集之因過謁陵廟

垂欲因行

自謁其祖父陵廟也

堅許之權翼諫曰國兵新破四方皆有離心

宜徵集名將置之京師以固根本鎮枝葉

將即亮翻

垂勇略

過人世豪東夏頃以避禍而來其心豈止欲作冠軍而

已哉

夏戶雅翻冠古玩翻

譬如養鷹飢則附人每聞風颯之起常

有陵霄之志正宜謹其條籠

颯扶搖風也釋曰疾風自下而上曰颯音卑遙翻條

他刀翻絲繩也所以紲鷹

豈可解縱任其所欲哉堅曰卿言是也然

朕已許之匹夫猶不食言

孔安國曰食言者食盡其言偽不實

況萬乘乎

乘繩
證翻

若天命有廢興固非智力所能移也翼曰陛下重

小信而輕社稷臣見其往而不返關東之亂自此始矣

堅不聽遣將軍李蠻閔亮尹固帥衆三千送垂又遣驍

騎將軍石越率精卒三千戍鄴驃騎將軍張蚝帥羽林

五千戍并州鎮軍將軍毛當帥衆四千戍洛陽

驍堅堯
翻騎奇

寄翻下同帥讀曰率下
同驃匹妙翻蚝七吏翻

權翼密遣壯士邀垂於河橋南

空倉中垂疑之自涼馬臺結草筏以渡

水經注東郡白
馬縣有涼城河

水逕其北有神馬亭西去白馬津可二十許里實中層
峙南北二百步東西五十許步今按神馬亭既在東郡

白馬正對黎陽岸垂安得越榮洛而至此渡河乎此涼馬臺蓋在富平津橋之西也涼馬臺由昔人于河渚浴馬浴竟驅馬就高納涼因名使典軍程同衣已衣乘已馬與僮僕趣

河橋

典軍蓋王國官垂在燕為吳王時所置也同衣于既翻趣七喻翻

伏兵發同馳馬

獲免十二月秦王堅至長安哭陽平公而後入謚曰哀

公大赦復死事者家

復方目翻復具家之賦役也

庚午大赦以謝

石為尚書令進謝玄號前將軍固讓不受謝安壻王

國寶坦之之子也安惡其為人

惡烏路翻

每抑而不用以為

尚書郎國寶自以望族故事唯作吏部不為餘曹

尚書郎晉

制三十五曹置郎二十三人更相統攝及江左無直事
右民屯田車部別兵都兵騎兵左右士運曹十曹郎康
穆以後又無虞曹二千石二郎但有殿中祠部吏部儀
曹三公比部金部倉部度支部官起部水部主客駕部
庫部中兵外兵十八曹後又省主客起
部水部餘十五曹而吏部最為清選固辭不拜由是

怨安國寶從妹為會稽王道子妃帝與道子皆嗜酒狎

昵邪諂

從才用翻
昵尼質翻

國寶乃諧安于道子使離間之於帝

間古
覓翻

安功名既盛而險詖求進之徒多毀短安帝由是

稍疎忌之

設彼
義翻

初開酒禁

漢建安中曹
公嚴酒禁

增民稅米口

五石

咸和五年成帝始度百姓田取十分之一率畝稅
米三升哀帝即位減田租畝收二升太元二年帝

除度田收租之制王公以下口租三斛唯蠲在役之身至是年又增稅米口五石

秦呂光行

越流沙三百餘里

自玉門出渡流沙西行至鄯善北行至車師又且末國在鄯善西其國之

西北有流沙數百里夏日有熱風為行旅之患風之所至唯老駝預知之即噴而聚立埋其口鼻於沙中人每以為候亦即將氈擁蔽鼻口其風迅駛斯須過盡若不防者必致危斃桑欽曰流沙地在張掖居延縣西北杜佑曰流沙在沙州敦煌郡西八十里鄯道元曰弱水入流沙流沙與水流行也亦言出鍾山西行極崦嵫之山在西海郡北流沙又逕浮渚歷壑市之國又逕于鳥山之東朝雲國西歷崑山西南出于過瀛之山大荒山經曰西南海之外流沙出焉焉耆等諸國等皆降

降戶江翻

惟龜茲王帛純

拒之

龜茲音邱慈

嬰城固守先進軍攻之

秦王堅之入寇

也以乞伏國仁為前將軍領先鋒騎

騎奇寄翻

會國仁叔父

步類反於隴西堅遣國仁還討之

國仁代司繁鎮勇士見上卷元年

步

類聞之大喜迎國仁於路國仁置酒大言曰苻氏疲民

逞兵殆將亡矣吾當與諸君共建一方之業及堅敗國

仁遂迫脇諸部有不從者擊而併之衆至十餘萬慕

容垂至安陽

安陽在鄴城西南

遣叅軍田山修牋於長樂公丕

樂音洛

丕聞垂北來疑其欲為亂然猶身自迎之趙秋勸

垂於座取丕因據鄴起兵垂不從丕謀襲擊垂侍郎天

水姜讓諫曰

晉制王國置侍郎二人

垂反形未著而明公擅殺之

非臣子之義不如待以上賓之禮嚴兵衛之密表情狀

聽敕而後圖之不從之館垂於鄴西

館音貫

垂潛與燕之

故臣謀復燕祚會丁零翟斌起兵叛秦

丁零種落本居中山苻堅之滅

燕也徙于新安斌仕秦為衛軍從事中郎斌音彬

謀攻豫州牧平原公暉於洛

陽秦王堅驛書使垂將兵討之

將即亮翻

石越言於丕曰王

師新敗民心未安負罪亡匿之徒思亂者衆故丁零一

唱旬日之中衆已數千此其驗也慕容垂燕之宿望有

興復舊業之心今復資之以兵此為虎傅翼也

今復扶又翻為

于偽翻傳讀曰附

丕曰垂在鄴如藉虎寢蛟

藉慈夜翻

常恐為肘腋

之變

腋音亦

今遠之於外不猶愈乎

遠于願翻

且翟斌凶悖

悖蒲

內翻又蒲沒翻

必不肯為垂下使兩虎相斃吾從而制之此卞

莊子之術也乃以羸兵二千及鎧仗之弊者給垂

羸倫為翻

鎧可亥翻

又遣廣武將軍苻飛龍帥氐騎一千為垂之副

帥讀

曰率騎奇寄翻

密戒飛龍曰垂為三軍之帥卿為謀垂之將行

矣勉之

成都王穎使和演圖王浚殷浩使魏憬圖姚襄苻丕使苻飛龍圖慕容垂智略不足以濟其敗

同一轍也帥所
類翻將即亮翻

垂請入鄴城拜廟

燕都鄴故廟在鄴城

丕弗許乃

潛服而入亭吏禁之垂怒斬吏燒亭而去石越言於丕

曰垂敢輕侮方鎮殺吏燒亭反形已露可因此除之丕

曰淮南之敗垂侍衛乘輿

乘繩證翻

此功不可忘也越曰垂

尚不忠於燕安能盡忠於我失今不取必為後患丕不

從越退告人曰公父子好為小仁不顧大計終當為人

禽耳

丕父子後卒如越之言好呼到翻

垂留慕容農慕容楷慕容紹於

鄴行至安陽之湯池閔亮李毗自鄴來以丕與苻飛龍

所謀告垂

幾事不密則害成符飛龍固不足以辨垂況其謀已泄邪

垂因激怒其衆

曰吾盡忠於苻氏而彼專欲圖我父子吾雖欲已得乎

已止也

乃託言兵少

少詩沿翻

停河內募兵旬日間有衆八千

平原公暉遣使讓垂趣使進兵

遣使疏吏翻趣讀曰促

垂謂飛龍

曰今寇賊不遠

河內距新安洛陽止隔大河耳故云然

當晝止夜行襲其

不意飛龍以為然壬午夜垂遣世子寶將兵居前少子

隆勒兵從已

將即亮翻少詩照翻

令氏兵五人為伍陰與寶約聞

鼓聲前後合擊氏兵及飛龍盡殺之參佐家在西者皆

遣還并以書遺秦王堅言所以殺飛龍之故

蓋言丕使飛龍圖已

故殺之也遺于季翻

初垂從堅入鄴

見一百二卷海西公太和五年

以其子麟屢

嘗告變於燕

事見太和四年

立殺其母然猶不忍殺麟置之

舍希得侍見

見賢遍翻

及殺苻飛龍麟屢進策畫啟發垂意

垂意所欲為而思慮偶有所未及麟能迎其機言之故謂之啟發

垂更奇之寵待與諸

子均矣

為後麟亂燕張本

慕容鳳及燕故臣之子燕郡王騰遼

西段延等

段延蓋段國之種燕于賢翻

聞翟斌起兵各帥部曲歸之

帥讀曰率

平原公暉使武平武侯毛當討斌慕容鳳曰鳳今

將雪先王之恥

燕之亡也鳳父桓死難事見一百二卷海西公太和五年

請為將軍

斬此氐奴

為于偽翻

乃擐甲直進

擐音宦

丁零之衆隨之大敗

秦兵

敗補邁翻

斬毛當遂進攻陵雲臺戍克之收萬餘人甲

仗

陵雲臺魏文帝所築在洛城西秦置戍焉

癸未慕容垂濟河焚橋有衆三

萬留遼東鮮卑可足渾譚集兵於河內之沙城

言河內以別魏

郡之沙城燕主皝后可足渾氏譚蓋亦燕之戚黨也

垂遣田山如鄴密告慕容農

等使起兵相應時日已暮農與慕容楷留宿鄴中慕容

紹先出至蒲池

蒲池在鄴城外慕容雋與羣臣宴處

盜丕駿馬數百疋以

待農楷甲申晦農楷將數十騎微服出鄴遂同奔列人

列人縣漢屬鉅鹿郡魏晉屬廣平郡其地在鄴城東北魏收地形志魏郡臨漳縣有列人城又別有列人縣亦

屬魏

九年春正月乙酉朔秦長樂公丕大會賓客

樂音

洛請慕容農不得始覺有變遣人四出求之三日乃知

其在列人已起兵矣慕容鳳王騰段延皆勸翟斌奉慕

容垂為盟主斌從之垂欲襲洛陽且未知斌之誠偽乃

拒之曰吾來救豫州

秦平原公暉以豫州牧鎮洛陽

不來赴君君既建

大事成享其福敗受其禍吾無預焉丙戌垂至洛陽平

原公暉聞其殺苻飛龍閉門拒之翟斌復遣長史郭通

往說垂

復扶又翻說輸芮翻下同

垂猶未許通曰將軍所以拒通者

豈非以翟斌兄弟山野異類無奇才遠略必無所成故

邪獨不念將軍今日憑之可以濟大業乎

謂憑其衆可以成功也

垂乃許之於是斌帥其衆來與垂會

帥讀曰率下同

勸垂稱尊

號垂曰新興侯吾主也

秦獲慕容暉封為新興侯

當迎歸返正耳垂

以洛陽四面受敵欲取鄴而據之乃引兵而東故扶餘

王餘蔚為滎陽太守

餘蔚即太和五年開鄴北門納秦兵者蔚音紆勿翻

及昌黎

鮮卑衛駒各率其衆降垂

降戶江翻

垂至滎陽羣下固請上

尊號垂乃依晉中宗故事

晉元帝廟號中宗上時掌翻

稱大將軍大

都督燕王承制行事

晉元帝稱王承制見九十卷建武元年

謂之統府羣

下稱臣文表奏疏封拜官爵皆如王者以弟德為車騎

大將軍封范陽王

騎寄奇翻

兄子楷為征西大將軍封太原

王

燕本封德為范陽王今復其故楷恪子也恪封太原王今令楷襲父爵

翟斌為建義大

將軍封河南王餘蔚為征東將軍統府左司馬封扶餘

王衛駒為鷹揚將軍慕容鳳為建策將軍

建策將軍亦慕容垂一時

所署帥衆二十餘萬

帥讀曰率

自石門濟河長驅向鄴慕容

農之奔列人也止於烏桓魯利家

魯利本烏桓種而家於列人

利為

之置饌

為于偽翻饌雖皖翻又難戀翻饗也

農笑而不食利謂其妻曰惡

奴

句絕惡奴蓋詈其妻之語

郎貴人家貧無以饌之奈何妻曰郎有

雄才大志今無故而至必將有異非為飲食來也

為于偽翻

君亟出遠望以備非常利從之農謂利曰吾欲集兵列

人以圖興復卿能從我乎利曰死生唯郎是從

今世俗多呼其

主為郎主又呼其主之子為郎君

農乃詣烏桓張驥說之曰

驥思將翻說輸芮翻

下家王已舉大事翟斌等咸相推奉遠近響應故來相

告耳驤再拜曰得舊主而奉之敢不盡死於是農驅列

人居民為士卒斬桑榆為兵裂襜褕為旗

檐昌占翻爾雅曰衣蔽前

也郭璞曰衣蔽膝也

使趙秋說屠各畢聰聰與屠各卜勝張延李

白郭超及東夷餘和敕勃

屠直於翻餘和敕勃蓋二人

易陽烏桓劉

大

易陽縣漢屬趙國魏晉屬陽平郡劉昫曰唐洛州臨洛縣古易陽縣也隋開皇六年更名

各帥部

衆數千赴之

帥讀曰率

農假張驤輔國將軍劉大安遠將軍

魯利建威將軍農自將攻破館陶

館陶縣漢屬魏郡魏晉屬陽平郡將即亮

翻收其軍資器械遣蘭汗段讚趙秋慕輿恹略取康臺

牧馬數千匹

恹香衣翻恹收地形志廣平郡平恩縣有康臺澤杜預曰不以道取曰略

汗燕

王垂之從舅讚聰之子也

從才用翻

於是步騎雲集衆至數

萬驤等共推農為使持節都督河北諸軍事驃騎大將

軍監統諸將

使疏吏翻驃匹妙翻騎奇寄翻監工衙翻

隨才部署上下肅然

農以燕王垂未至不敢封賞將士趙秋曰軍無賞士不

往

言無賞以獎激之則士不往赴戰也

今之來者皆欲建一時之功規萬

世之利也

規圖

宜承制封拜以廣中興之基農從之於是

赴者相繼垂聞而善之農間招庫儻官偉於上黨東引

乞特歸於東阿北召光烈將軍平叡及叡兄汝陽太守

幼於燕國偉等皆應之

間古覓翻遣間使招之也儻奴沃翻東阿縣漢屬東郡晉屬濟

北郡唐屬濟州汝陽縣漢晉屬汝南郡後分為汝陽郡平幼蓋先嘗為汝陽太守時居燕國也偉等皆燕之舊臣故招之而應光烈將軍蓋亦前燕以授平叡又遣蘭汗攻頓丘克之

頓丘縣漢屬東

郡武帝泰始二年分置頓丘郡

農號令整肅軍無私掠

言其軍不敢掠居民而私其物

士女喜悅長樂公丕使石越將步騎萬餘討之農曰越

有智勇之名今不南拒大軍而來此是畏王而陵我也

王謂慕容垂

必不設備可以計取之衆請治列人城

治直之翻下同

農曰善用兵者結士以心不以異物

異物猶言別物也

今起義

兵唯敵是求當以山河為城池何列人之足治也辛卯

越至列人西農使趙秋及參軍綦母滕擊越前鋒破之

越之氣已挫矣

參軍太原趙謙言於農曰越甲仗雖精人心危

駭易破也

易以鼓翻

宜急擊之農曰彼甲在人我甲在心

士心

欲闔則雖無甲冑而勇于赴戰故曰甲在心

晝戰則士卒見其外貌而憚之

不如待暮擊之可以必克令軍士嚴備以待毋得妄動

越立柵自固農笑謂諸將曰越兵精士衆不乘初至之

銳以擊我方更立柵吾知其無能為也向暮農鼓譟出

陳於城西

陳讀曰陣

牙門劉木請先攻越柵農笑曰凡人見

美食誰不欲之何得獨請然汝猛銳可嘉當以先鋒惠

汝木乃帥壯士四百騰柵而入秦兵披靡

帥讀曰率下同披普彼翻

農督大衆隨之大敗秦兵斬越送首於垂

敗補邁翻

越與毛

當皆秦之驍將也

驍堅堯翻將即亮翻

故秦王堅使助二子鎮守

既而相繼敗沒人情騷動

騷擾也

所在盜賊羣起庚戌

燕王垂至鄴改秦建元二十年為燕元年服色朝儀皆

如舊章

朝直
遙翻

以前岷山公庫儔官偉為左長史前尚書

段崇為右長史滎陽鄭豁等為從事中郎

凡帶前字者
皆前燕所授

官也慕容農引兵會垂於鄴垂因其所稱之官而授之

即張

驥等所推
之官也

立世子寶為太子封從弟拔等十七人及甥

宇文輸舅子蘭審皆為王

從才
用翻

其餘宗族及功臣封公

者三十七人侯伯子男者八十九人可足渾譚集兵得

二萬餘人攻野王拔之

垂使譚集兵於河內之
沙城遂因而攻拔野王

引兵會

攻鄴平幼及其弟叡規亦帥衆數萬會垂於鄴長樂公

丕使姜讓誚讓燕王垂且說之曰過而能改今猶未晚

也

誚才笑翻
說輸芮翻

垂曰孤受主上不世之恩故欲安全長樂

公使盡衆赴京師

京師謂
長安也

然後修復國家之業與秦永

為鄰好

好呼
到翻

何故闇於機運不以鄴城見歸若迷而不

復當窮極兵勢恐單馬求生亦不可得也讓厲色責之

曰將軍不容於家國投命聖朝

朝直
遙翻

燕之尺土將軍豈

有分乎

分扶
問翻

主上與將軍風殊類別

言氏處關西鮮卑
在東北既不同風

族類又別也

一見傾心親如宗戚寵踰勲舊自古君臣際遇

有如是之厚者乎一旦因王師小敗遽有異圖長樂公

主上元子受分陝之任

陝失冉翻

寧可束手輸將軍以百城

之地乎將軍欲裂冠毀冕

左傳晉率陰戎伐潁景王使詹桓伯辭於晉曰我在伯父

猶衣服之有冠冕木水之有本原民人之有謀主也伯父若裂冠毀冕拔本塞原專棄謀主雖戎狄其何有余

一自可極其兵勢奚更云云但惜將軍以七十之年懸

首白旗

武王斬紂首懸於太白之旗

高世之忠更為逆鬼耳垂默然

姜讓之辭直垂心內愧故默然無以答

左右請殺之垂曰彼各為其主耳

何罪禮而歸之遺丕書及上秦王堅表陳述利害請送

丕歸長安堅及丕怒復書切責之

為于偽翻遺于季翻上時掌翻

鷹

揚將軍劉牢之攻秦譙城拔之桓冲遣上庸太守郭寶

攻秦魏興上庸新城三郡拔之將軍楊佺期進據成固

擊秦梁州刺史潘猛走之佺期亮之子也

楊亮見上卷太元二年

壬子燕王垂攻鄴拔其外郭長樂公丕退守中城關

東六州郡縣多送任請降於燕

降戶江翻

癸丑垂以陳留王

紹行冀州刺史屯廣阿

廣阿縣前漢屬鉅鹿郡後漢併入鉅鹿縣有廣阿澤在鉅鹿縣

界即大陸澤也

豐城宣穆公桓沖聞謝玄等有功自以失言

謂去年吾其左社之言也

慙恨成疾二月辛巳卒朝議欲以謝玄為

荆江二州刺史

朝直遙翻

謝安自以父子名位太盛又懼桓

氏失職怨望乃以梁郡太守桓石民為荊州刺史河東

太守桓石虔為豫州刺史豫州刺史桓伊為江州刺史

燕王垂引丁零烏桓之衆二十餘萬為飛梯地道以

攻鄴不拔乃築長圍守之分處老弱於肥鄉

晉志肥鄉縣屬廣平

郡魏收曰天平初併入魏郡臨漳縣隋復分置肥鄉縣唐屬洺州處昌呂翻

築新興城以置

輜重

重直用翻

秦征東府官屬疑參軍高泰燕之舊臣有

貳心

苻丕為征東大將軍高泰先仕燕慕容垂以為從事中郎

泰懼與同郡虞曹從

事吳韶逃歸勃海

秦征東府置虞曹從事掌所部山澤泰與韶皆勃海人也

韶曰燕

軍近在肥鄉宜從之泰曰吾以避禍耳去一君事一君

吾所不為也申紹見而歎曰去就以道可謂君子矣

燕范陽王德擊秦枋頭取之置戍而還

還音旋又讀如字

東胡

王晏據館陶為鄴中聲援鮮卑烏桓及郡縣民據塢壁

不從燕者尚衆燕王垂遣太原王楷與鎮南將軍陳留

王紹討之楷謂紹曰鮮卑烏桓及冀州之民本皆燕臣
今大業始爾人心未洽所以小異惟宜綏之以德不可
震之以威吾當止一處為軍聲之本汝巡撫民夷示以

大義彼必當聽從楷乃屯於辟陽

地理風俗記曰廣川西南六十里有辟陽

亭故縣也漢高帝封審食其為侯國魏收地形志長樂郡信都縣有辟陽城

紹帥騎數百往

說王晏為陳禍福

帥讀曰率說輸芮翻為于偽翻

晏隨紹詣楷降于是

鮮卑烏桓及塢民降者數十萬口

降戶江翻

楷留其老弱置

守牢以撫之發其丁壯十餘萬與王晏詣鄴垂大悅曰

汝兄弟才兼文武足以繼先王矣

言足以繼慕容恪也

三月以

衛將軍謝安為太保

秦北地長史慕容泓聞燕王垂

攻鄴亡奔關東收集鮮卑眾至數千還屯華陰敗秦將

軍強永

華戶化翻敗補邁翻強其兩翻

其眾遂盛自稱都督陝西諸軍

事大將軍雍州牧濟北王

陝式冉翻雍于用翻濟子禮翻

推垂為丞相

都督陝東諸軍事領大司馬冀州牧吳王秦王堅謂權

翼曰不用卿言

謂不用翼之言而遣慕容垂也

使鮮卑至此關東之地

吾不復與之爭

復扶又翻

將若泓何乃以廣平公熙為雍州

刺史鎮蒲阪

阪音反

徵雍州牧鉅鹿公叡為都督中外諸

軍事衛大將軍錄尚書事配兵五萬以左將軍竇衝為

長史龍驤將軍姚萇為司馬以討泓

驤思將翻

平陽太守慕

容沖亦起兵于平陽有衆二萬進攻蒲坂堅使竇衝討

之庫儻官偉帥營部數萬至鄴燕王垂封偉為安定

王秦冀州刺史阜城侯定守信都高城男紹在其國

高城縣屬勃海郡

唐為滄州鹽山縣

高邑侯亮重合侯謨守常山

重直龍翻

固

安侯鑒守中山燕王垂遣前將軍樂浪王溫督諸軍攻

信都不克

樂浪音洛琅

夏四月丙辰遣撫軍大將軍麟益兵

助之定鑒秦王堅之從叔紹謨從弟亮從子也

從才用翻溫

燕王垂之弟子也

慕容泓聞秦兵且至懼帥衆將奔

關東

帥讀曰率下同

秦鉅鹿愍公叡麤猛輕敵欲馳兵邀之姚

萇諫曰鮮卑皆有思歸之志故起而為亂宜驅令出關

不可遏也夫執鸚鵡之尾猶能反噬於人

鸚鵡一名甘口鼠食物不

痛爾雅曰有螫毒者鸚音美

彼自知困窮致死於我萬一失利悔將

何及但可鳴鼓隨之彼將奔敗不暇矣

使符叡能用姚萇之言慕容泓

必東奔慕容沖敗而無所歸必亦就禽矣

叡弗從戰于華澤

華澤即華陰之澤也華戶化翻

叡兵敗為泓所殺萇遣龍驤長史趙都參軍姜協詣秦

王堅謝罪

驤思將翻

堅怒殺之萇懼奔渭北馬牧

馬牧牧馬之地猶漢

之牧苑也

於是天水尹緯尹詳南安龐演等

龐皮江翻

糾扇羌豪

帥其戶口歸萇者五萬餘家

帥讀曰率

推萇為盟主萇自稱

大將軍大單于萬年秦王大赦改元白雀

通鑑目錄年經國緯自此

以後姚萇繫之
後秦單音蟬

以尹詳龐演為左右長史南安姚晃及

尹緯為左右司馬天水狄伯支等為從事中郎羌訓等

為掾屬王據等為參軍王欽盧姚方成等為將帥

掾以綰翻

將即亮翻
帥所類翻

秦竇衝擊慕容沖於河東大破之沖帥鮮

卑騎八千奔慕容泓泓眾至十餘萬遣使謂秦王堅曰

吳王已定關東可速資備大駕奉送家兄皇帝

暉泓之兄也

泓當帥關中燕人翼衛乘輿還返鄴都

乘繩證翻還音旋又如字

秦以虎牢為界永為鄰好

好呼到翻

堅大怒召慕容暉責之

曰今泓書如此卿欲去者朕當相資卿之宗族可謂人面獸心不可以國士期也暉叩頭流血涕泣陳謝堅久

之曰此自三賢所謂非卿之過

三賢謂垂泓沖

復其位待之如

初命暉以書招諭泓沖及垂暉密遣使謂泓曰吾籠中

之人必無還理且燕室之罪人也

暉不能保燕之社稷故自謂為罪人

不

足復顧

復扶又翻

汝勉建大業以吳王為相國中山王為太

宰領大司馬汝可為大將軍領司徒承制封拜聽吾死

問汝便即尊位泓于是進向長安改元燕興

燕王垂

以鄴城猶固會僚佐議之右司馬封衡請引漳水灌之

用曹操攻鄴故智也

從之垂行圍

行下孟翻

因飲於華林園

洛都鄴都皆有華林

園鄴之華林則魏武所築也

秦人密出兵掩之天下如雨垂幾不得

出

幾居依翻

冠軍大將軍隆將騎衝之垂僅而得免

將即亮翻騎奇

寄翻

竟陵太守趙統攻襄陽秦荊州刺史都貴奔魯陽

五月秦洛州刺史張五虎據豐陽來降

降戶江翻

梁州

刺史楊亮帥衆五萬伐蜀

帥讀曰率

遣巴西太守費統將水

陸兵三萬為前鋒

費扶瑞翻將即亮翻

亮屯巴郡秦益州刺史王

廣遣巴西太守康回等拒之

姓譜西胡自有康姓

秦苻定苻紹

皆降於燕

定以信都降紹以高城降降戶江翻下同

燕慕容麟引兵西攻常

山

苻護守常山

後秦王苻進屯北地

姚萇書後秦以別於苻秦也

秦華

陰北地新平安定羌胡降之者十餘萬 六月癸丑朔

崇德太后褚氏崩 秦王堅自帥步騎二萬以擊後秦

軍於趙氏塢

據晉書載記趙氏塢在北地帥讀曰率騎奇寄翻

使護軍將軍楊

璧等分道攻之後秦兵屢敗斬後秦王萇之弟鎮軍將

軍尹買後秦軍中無井秦人塞安公谷堰同官水以困

之

安公谷同官水皆在今耀州界魏收地形志北地郡有銅官縣真君七年置杜佑曰銅官本漢役祠縣地

晉為頻陽苻秦於役祠北銅官川置銅官護軍後魏太武罷護軍置銅官縣後周武帝移于今所隋以後唯作

同官塞
悉則翻

後秦人恟懼有渴死者

恟許
拱翻

會天大雨後秦營

中水三尺繞營百步之外寸餘而已後秦軍復振

復扶
又翻

秦王堅歎曰天亦佑賊乎

天不助秦不
可復支矣

慕容泓謀臣

高蓋等以泓德望不如慕容沖且持法苛峻乃殺泓立

沖為皇太弟承制行事置百官以蓋為尚書令後秦王

萇遣子嵩為質於沖以請和

欲連兵以覽秦且畏
沖兵之彊也質音致

將

軍劉春攻魯陽都貴奔還長安

後秦王萇帥眾七萬

擊秦秦王堅遣楊璧等拒之為萇所敗

敗補
邁翻

獲楊璧及

右將軍徐成鎮軍將軍毛盛等將吏數十人長皆禮而

遣之

燕慕容麟拔常山秦苻亮苻謨皆降

降戶

麟進

圍中山秋七月克之執苻鑒

冀州皆為燕有惟苻丕守鄴而已

麟威聲

大振留屯中山

秦幽州刺史王永平州刺史苻沖帥

二州之衆以擊燕

帥讀曰率

燕王垂遣平朔將軍平規擊永

此平規別是一平規平幼之弟非與苻洛同反之平規也

永遣昌黎太守宋敞逆戰

於范陽敞兵敗規進據薊南

薊音計

秦平原公暉帥洛

陽陝城之衆七萬歸於長安

陝失冉翻

秦王堅聞慕容沖

去長安浸近乃引兵歸

歸自北地趙氏塢使沖不逼長安堅尚與萇相持勝負之勢未

有所定也沖兵既逼堅不容不還長安萇得收嶺北以爲資堅沖血戰而萇伺其敝堅死而鮮卑東出萇坐而取關中真所謂鷸蚌相持漁人之利也遣撫軍大將軍方成驪山

驪力知翻拜

平原公暉爲都督中外諸軍事車騎大將軍錄尚書事

配兵五萬以拒沖沖與暉戰于鄭西大破之堅又遣前

將軍姜宇與少子河間公琳帥衆三萬拒沖於灊上

少詩

照翻琳宇皆敗死沖遂據阿房城

即秦之阿房宮城

秦康回兵

數敗

數所角翻

退還成都梓潼太守壘襲以涪城來降

此晉西師

之捷姓譜曰後趙錄
有壘澄本姓裴氏

荊州刺史桓石民據魯陽遣河南

太守高茂北戍洛陽

此晉自襄沔北向之師也

己酉英康獻皇后

於崇平陵

燕翟斌恃功驕縱邀求無厭

斌音彬厭於鹽翻

又

以鄴城久不下潜有貳心太子寶請除之燕王垂曰河

南之盟不可負也

斌引兵會垂於洛陽垂與之盟蓋在河南縣

若其為難

難乃

旦翻

罪由於斌今事未有形而殺之人必謂我忌憚其功

能吾方收攬豪傑以隆大業不可示人以狹失天下之

望也藉彼有謀吾以智防之無能為也范陽王德陳留

王紹驃騎大將軍農皆曰翟斌兄弟恃功而驕必為國

患垂曰驕則速敗焉能為患

馬于乾翻何也

彼有大功當聽其

自斃耳禮遇彌重斌諷丁零及其黨請斌為尚書令垂

曰翟王之功宜居上輔但臺既未建此官不可遽置耳

斌怒密與前秦長樂公丕通謀

通鑑凡符秦事書曰秦此前字衍

使丁

零決隄潰水

燕引漳水以灌鄴斌欲決隄以潰之

事覺垂殺斌及其弟

檀敏餘皆赦之斌兄子真夜將營眾北奔邯鄲

將即亮翻邯鄲

音寒

引兵還向鄴圍欲與丕内外相應太子寶與冠軍

大將軍隆擊破之

冠古
玩翻

真還走邯鄲

走音
泰

太原王楷陳

留王紹言於垂曰丁零非有大志但寵過為亂耳今急

之則屯聚為寇緩之則自散散而擊之無不克矣垂從

之 龜茲王帛純窘急

呂光自去年進軍攻龜茲
龜茲音丘慈窘渠隕翻

重賂

獫狁以求救

獫狁蓋又在龜茲之西
楊正衡曰獫狁古邁字

獫狁王遣其弟

龍侯將馮帥騎二十餘萬

龍一人馮又一人侯將官
稱也漢時西域諸國各有輔

國侯安國侯左右將其後蓋併侯將為一官
咄女劣翻又女鬱翻將即亮翻馮渠追翻

并引溫宿

尉頭等諸國兵合七十餘萬以救龜茲秦呂光與戰於

城西大破之帛純出走王侯降者三十餘國

降戶江翻

光入

其城城如長安市邑宮室甚盛光撫寧西域威恩甚著

遠方諸國前世所不能服者皆來歸附上漢所賜節傳

上時掌翻
傳張戀翻

光皆表而易之立帛純弟震為龜茲王 八

月翟真自邯鄲北走燕王垂遣太原王楷驃騎大將軍

農帥騎追之及於下邑楷欲戰農曰士卒饑倦且視賊

營不見丁壯殆有他伏楷不從進戰燕兵大敗真北趨

中山屯於承營

羸師示弱者必有伏兵衆所通知也然而往往墮其中而不自覺以致覆軍者

多矣趨七諭翻下同

鄴中芻糧俱盡削松木以飼馬

飼祥史翻

燕王垂

謂諸將曰苻丕窮寇必無降理

降戶江翻

不如退屯新城

肥即

鄉之新興城也

開丕西歸之路以謝秦王疇昔之恩且為討翟

真之計丙寅夜垂解圍趨新城遣慕容農徇清河平原

徵督租賦農明立約束均適有無軍令嚴整無所侵暴

由是穀帛屬路軍資豐給

屬之欲翻

戊寅南昌文穆公郝

愔薨

郝丑之翻愔挹淫翻

太保安奏請垂苻氏傾敗開拓中原

以徐兗二州刺史謝玄為前鋒都督帥豫州刺史桓石

虔伐秦

帥讀曰率

立至下邳秦徐州刺史趙遷棄彭城走立

進據彭城

此晉自淮泗北向之師也

秦王堅聞呂光平西域以光

為都督玉門以西諸軍事西域校尉道絕不通秦幽

州刺史王永求救於振威將軍劉庫仁

先是秦蓋授劉庫仁振武將軍

庫仁遣其妻兄公孫希帥騎三千救之大破平規於薊

南乘勝長驅進據唐城

中山郡之唐縣城也

九月謝立使彭城

內史劉牢之攻秦兗州刺史張崇辛卯崇棄鄆城奔燕

牢之據鄆城

鄆古據翻

河南城堡皆來歸附太保安上疏

自求北征加安都督揚江等十五州諸軍事加黃鉞

十五

州蓋揚徐南徐兗南兗豫南
豫江青冀幽并司荆雍也

慕容冲進逼長安秦王

堅登城觀之歎曰此虜何從出哉大呼責冲曰

呼火故翻

奴

何苦來送死冲曰奴厭奴苦欲取汝為代耳冲少有寵

於堅

冲少有龍陽色得幸於堅少詩照翻

堅遣使以錦袍稱詔遺之

遺於季翻

冲遣詹事稱皇太弟令答之曰孤今心在天下豈顧一

袍小惠苟能知命君臣束手早送皇帝

皇帝謂慕容暉

自當寬

貸苻氏以酬曩好

好呼到翻

堅大怒曰吾不用王景略陽平

公之言

事見一百三卷寧康三年及上卷大元七年

使白虜敢至於此

載記曰秦

人率謂鮮卑為白虜

冬十月辛亥朔日有食之

乙丑大赦

謝玄遣陰陵太守高素攻秦青州刺史苻朗

陰陵縣漢屬九江郡

晉書謝玄傳作淮陵淮陵縣前漢屬臨淮郡後漢屬下邳郡晉復屬臨淮郡惠帝元康七年分置淮陵郡陰當

淮作軍至琅邪朗來降朗堅之從子也

降戶江翻從才用翻

翟真

在承營與公孫希宋敞遙相首尾

公孫希劉庫仁所遣宋敞王永所遣

長

樂公丕遣宦者冗從僕射清河光祚

姓譜光姓燕人田光之後秦末子孫

避地以光為氏冗而隴翻從才用翻

將兵數百赴中山與真相結又遣陽

平太守邵興將數千騎招集冀州故郡縣與祚期會襄

國是時燕軍疲弊秦勢復振

復扶又翻

冀州郡縣皆觀望成

敗趙郡人趙粟等起兵柏鄉以應興

魏收地形志南趙郡柏人縣有柏鄉

城九域志曰柏鄉故城春秋時晉鄆邑五代志隋文帝開皇十六年置柏鄉縣屬趙郡

燕王垂遣

冠軍大將軍隆龍驤將軍張崇將兵邀擊興命驃騎大

將軍農自清河引兵會之

冠古玩翻驤思將翻驃匹妙翻騎奇寄翻

隆與興

戰于襄國大破之興走至廣阿遇慕容農執之光祚聞

之循西山走歸鄴隆遂擊趙粟等皆破之冀州郡縣復

從燕

復扶又翻

劉庫仁聞公孫希已破平規欲大舉兵以

救長樂公丕發鴈門上谷代郡兵屯繁峙

時音止

燕太子

太保慕輿句之子文零陵公慕輿虔之子常

慕輿句見九十八卷

穆帝永和六年慕輿虔見一百一卷哀帝興寧三年句音鉤

時在庫仁所知三郡兵

不樂遠征

樂音洛

因作亂夜攻庫仁殺之竊其駿馬奔燕

公孫希之衆聞亂自潰希奔翟真庫仁弟頭眷代領庫

仁部衆 秦長樂公丕遣光祚及參軍封孚召驃騎將

軍張蚝并州刺史王騰於晉陽以自救蚝騰以衆少不

能赴

秦以鄧羌張蚝為萬人敵是時鄧羌死矣張蚝卒不能救秦之亡是知徒勇而無謀者無益于成敗

之數也蚝七吏翻

丕進退路窮謀於僚佐司馬楊膺請自歸於

晉丕未許會謝玄遣龍驤將軍劉牢之等據礪礪

礪礪城礪礪

北郡治所沿河要地也礪丘交翻礪牛交翻楊正衡曰礪口勞翻杜佑曰礪口交翻礪音教

濟陽太

守郭滿據滑臺

沈約曰晉惠帝分陳留為濟陽國滑臺漢之白馬唐之滑州也宋南渡後遣范

成大北使時河已南徙滑州及白馬縣皆在河北古滑州已淪于河中矣荆水在濬州西南積水若河對濬州

城即黎陽山濟子禮翻

將軍顏肱劉襲軍於河北

河北滑臺之北岸也

丕遣

將軍桑據屯黎陽以拒之劉襲夜襲據走之遂克黎陽

不懼乃遣從弟就與參軍焦達請救於玄

從才用翻

致書稱

欲假塗求糧西赴國難

難乃旦翻

須援軍既接以鄴與之若

西路不通長安陷沒請帥所領保守鄴城

帥讀曰率

達與參

軍姜讓密謂膺曰今喪敗如此

喪息浪翻

長安阻絕存亡不

可知屈節竭誠以求糧援猶懼不獲而公豪氣不除方

設兩端事必無成宜正書為表許以王師之至當致身

南歸如其不從可逼縛與之膺自以力能制不

楊膺不之妃兄

故自以為力能制不

乃改書而遣之

謝玄遣晉陵太守滕恬之

渡河守黎陽恬之修之曾孫也

滕修為吳將孫皓之亡修歸晉

朝廷以

充青司豫既平加立都督徐充青司冀幽并七州諸軍

事後秦王苻聞慕容沖攻長安會羣僚議進止皆曰

大王宜先取長安建立根本然後經營四方苻曰不然

燕人因其衆有思歸之心以起兵若得其志必不久留

關中吾當移屯嶺北

嶺北謂九峻之北凡新平北地安定之地皆是也

廣收資

實以待秦亡燕去然後拱手取之耳乃留其長子興守

北地

長知兩翻

使寧北將軍姚穆守同官川自將其衆攻新

平將即亮翻初新平人殺其郡將秦王堅缺其城角以恥之

石虎之末清河崔悅為新平相為郡人所殺悅子液仕堅為尚書郎自表父仇不同天地請還冀州堅愍之禁

錮新平人缺其城角以恥之將即亮翻新平民望深以為病民望郡之賢豪為一郡所

者宗嚮欲立忠義以雪之及後秦王萇至新平新平太守

南安苟輔欲降之苟輔氏也秦之外威降戶江翻下同郡人遼西太守馮

傑蓮勺令馮羽尚書郎趙義汶山太守馮苗諫曰昔田

單以一城存齊傑等皆新平人太康地志曰汶山郡漢武帝立孝宣地節三年合蜀郡劉蜀又

立郡蓮音輦汶讀曰岷田單今秦之州鎮猶連城過百

奈何遽為叛臣乎輔喜曰此吾志也但恐久而無救郡

人橫被無辜

橫戶孟翻

諸君能爾吾豈顧生哉於是憑城固

守後秦為土山地道輔亦於內為之或戰地下或戰山

上後秦之眾死者萬餘人輔詐降以誘萇萇將入城覺

之而返輔伏兵邀擊幾獲之

幾巨依翻

又殺萬餘人隴西

處士王嘉隱居倒虎山

水經注倒虎山在新豐縣南處昌呂翻

有異術能

知未然秦人神之秦王堅後秦王萇及慕容沖皆遣使

迎之十一月嘉入長安眾聞之以為堅有福故聖人助

之三輔堡壁及四山氏羌歸堅者四萬餘人堅置嘉及沙門道安於外殿動靜咨之燕慕容農自信都西擊

丁零翟遼于魯口破之遼退屯無極農屯藁城以逼之

無極縣漢屬中山晉省後魏復置無極縣唐末為祁州治所藁城縣前漢屬真定後漢屬鉅鹿晉省今所屯蓋

故縣城也唐復置藁城縣屬恒州

遼真之從兄也

從才用翻

鮮卑在長安

城中者猶千餘人慕容紹之兄肅與慕容暉陰謀結鮮卑為亂十二月暉白堅以其子新昏請堅幸其家置酒欲伏兵殺之堅許之會天大雨不果往事覺堅召暉及

肅肅曰事必洩矣入則俱死今城內已嚴

已嚴者謂鮮卑之衆也

不如殺使者馳出既得出門大衆便集暉不從遂俱入

堅曰吾相待何如而起此意暉飾辭以對肅曰家國事

重何論意氣

意氣謂堅相待之厚

堅先殺肅乃殺暉及其宗族城

內鮮卑無少長男女皆殺之

少詩照翻長知兩翻

燕王垂幼子柔

養於宦者宋牙家為牙子故得不坐與太子寶之子盛

乘間得出奔慕容沖

為後慕容盛等自長子歸燕張本間古覓翻

燕慕容

麟慕容農合兵襲翟遼大破之遼單騎奔翟真 燕王

垂以秦長樂公丕猶據鄴不去乃更引兵圍鄴開其西

走之路

垂志在得鄴故開其走路所謂圍城為之缺也

焦逵見謝玄欲徵丕

任子然後出兵逵固陳丕款誠并述楊膺之意玄乃遣

劉牢之滕恬之等帥眾二萬救鄴

帥讀曰率

丕告饑玄水陸

運米二千斛以饋之秦梁州刺史潘猛棄漢中奔長

安

梁州之地自此復歸于晉

資治通鑑卷一百五